

綏德州志序

存一代之是非者史家  
一方之風氣者志志之  
重與

國史等上郡爲秦漢名區

歷唐宋元明形勝列西  
陲保障風俗近三代樸

雅官于斯者代有良吏

生于斯者代有偉人舊

志亦基詳已年來兵氛

之餘梨棗灰燼楮墨虛  
蝕文獻之書闕焉已久

公朗陳公壬午與余同

聽叨鹿于燕臺每一晤

語卽見經世大學造以

宮詹拜關中左轄敷政  
宣化百度且舉折畝一

疏尤得禹貢則壤之義公  
餘纂全秦通志徵郡乘

于綬

州守次卿王公絲綸世  
冑也蓋循良具博雅之  
材者銳意彙輯延諸生  
開局編修擷采遺文諮  
詢故老剝苔蘚而披石

碣入山谷而摻題咏匪  
月竣事郡人郝太深氏  
廷對人

都搆稿示余見其典而覈  
約而該志也實史矣夫洵

今閱者考沿革而知古

今之變辨物產而識土

地之宜稽田賦有墾荒

生聚之思詳郵傳有蘇

困郵罷之望秩官志矣

循名不著者尙屬心思

也人才志矣里閭蜚聲

者猶芬齒頰也後之官

于斯生于斯者讀是編



可以興矣寧紀載之文




也耶

順治辛丑夏五月穀旦

貴州道憲御中史文元復





新修州志序

元士謏劣無似濫膺綬邦

于己亥初夏蒞止顧綬自

明季兵禡後人民寥落城

郭半爲茂州人回疑予之

不樂也竊自念吾人志存

溫飽往往馳情華靡岑寂  
之地怠心生焉心怠則傳  
舍其官傳舍其官則傳舍  
其事不思愛厥

命食厥祿詎敢怠厥事是以  
夙夜孜孜因題其堂曰敬

事以自警其怠心然實未  
之能也辛丑會

當事有徵志之從敬延郝

生鴻圖載筆博採衆編爰



集信史尊賢訂古無不竭


焉書成同事諸子請序予

予予自媿不文且序志者  
執筆如林何敢爲嫫母效  
顰耶蓋志所以識事敬其  
事則按圖籍而思沿革坐  
堂皇而厯民隱酌古斟今  
無不在是謹書敬事之義

僭諸首簡以俟後之君子  
順治辛丑季夏望日  
綏德州知州太原王元士

題







纂志姓氏

貴州道御史圍川 艾元復鑒定

綏德州知州太原 王元士彙纂

綏德州 辛卯舉人 黃如樸 同閱

戊子舉人

國子監恩選貢生 郝濬詳正

米脂縣儒學生員 艾元豫參輯

綏德州儒學生員 郝鴻圖論次

王必大

綏德州儒學生員 李永祚同校

馬循龍

王綏

境圖

十三里  
黃甫  
東至  
衛境

廿一里  
黃河  
東至  
州境

南陽寺

巡檢司

虎兒塢

義合  
驛

鳳宿嶺

懷寧河

州境北  
朔方臺

至二十里  
陽局

舖米  
古城

縣界

二十里

關

緜德州

關

南垓

百十六里  
關  
田  
界



光

衛境北

至榆林

鎮鼓樓

分界二

百五十里

無月宮寺

鵬駝舖

大理河

衛同城

城

城

城

城

城

城

城

演武場

雲石閣

天寧寺

蒙恬塚

社稷壇

郡厲壇

五虎峯

沙灘坪

石家灣

紫柏舖

因庄

石家灣  
界二十里

衛境西至  
定界八百里

石嘴分山駟

至州  
界南  
界西  
界東  
界北

大理州志圖

城圖




陽州城



方臺

運河



信地樓

城隍廟

青陽閣


紫雲山

文廟

州治

緝治

文昇山



月宮寺



五虎峯

演武場




考院



雲岩閣



鑑院



城




天寧寺

家恬塚

雕山

州治圖

緜德州志圖



後宅

恩齊邸杜

五馬春臺

庫

敬事堂

幕廳

儀門


賓賓館

緜德州


捕衙

地

宅正李



閣經尊




亭一敬




堂倫明



祠聖蘇



殿成大大



門儀



文昌祠


西廡

東廡

門戟



泮池



細賢

各館

李

儒

儒

儒



緜德州志

四



綏德州志目錄

輿地

建置

祠祀

田賦

選舉

官秩

人物

選舉

卷之二

目錄

郝鴻圖曰前書以降左馬分鑣紀傳編年鑿成隸服猶  
披蘭臺易書而志食貨地理既詳以次郡國帶之方輿  
是記維我上郡秦漢迄今山川風土人物典文間有述  
者湮息無聞輶軒莫採稗官曷集考古徵今罔不心盡  
爰稽靈簡載發芸編以論以述而緯而副洵以成書綱  
舉目附敢辱汗青聊存掌故述綏德州志八篇

山川界畫風俗推移職方所重有取于茲爲輿地篇第

一

廨署學校辨威明藝典在司存其制宜悉爲建置篇第

二

理人事神匪瀆匪淫日祈日報務義敬歆爲祠記篇第

三

維此食貨洪範是重時使薄斂庶其無困爲田賦篇第

四

置郵傳命無遠弗届我馬玄黃庶毋我瘵爲郵傳篇第

五

承流宣化保障繭絲我思豈弟士民之儀爲宦秩篇第

六

七 彼美人兮邦家之光或出或處罄無不臧爲人物篇第

八 振揚中外進用昌時毋志溫飽稷契是師爲選舉篇第

綏德州志卷之一

輿地第一

綏德分野當天文東井十三度又云入尾十度禹貢雍州之域歷

代沿革不一周屬并州春秋白翟所居戰國為魏地秦為

陽周上郡治此漢為雕陰縣東漢為雕陰城安帝永初五年徙治彭衙

順帝永建四年復上郡舊土永和五年徙上郡居夏陽三國為魏晉仍為上郡後為赫連

勃勃所有魏置上郡又分置綏州西魏置綏州隋大業初改上州尋

廢置雕陰郡領上縣太斌延福儒林真鄉開光唐初為綏

州天寶中改綏德郡乾元初復為綏州領龍泉延福綏德城平太斌計五縣

**五季**領於拓拔思恭

後李仁福為定難節度使遂有其地

**宋**初屬李彝興

太平

與國二年三經捧入明統後長平州李繼遷去開年又以予之至道三年夏徙綏民于平夏後至元吳恣有夏綏等

州地 **英宗**治平四年神諤復綏州神宗熙寧二年改綏德城

元豐七年以延州米脂浮圖懷寧順安綏平六城隸之 **哲宗**元符二年置綏德軍

泉米脂開光義合浮圖懷寧順安綏平臨夏清澗克戎永寧關白草寨隸之 **金**大定二十二年

改綏德州 領清澗縣 **元**仍舊 金興定五年木華黎侵夏夏人以兵附之遂取州至元四年併義合

綏德入焉後為 **明**仍為綏德州隸延安府 洪武四年領清澗米脂葭三縣

平章孔興據守八年升葭縣為州弘治九年清澗直隸本府止領米脂一縣

○編戶十里曰宣化坊附郭領宣化一圖曰興賢坊領和而永和仁義福興四圖曰慶豐坊領常寧福樂佛子新

安義讓五圖嘉靖元年併福興新安仁義為七里天啓中

改佛子  
爲興賢

國朝因之

疆域東至黃河一百二十里南至清澗縣界二十里西北

各至米脂縣界二十里

山之在城內者爲疏屬

山海經貳負之臣曰危與貳負殺  
冀厥帝乃結之疏屬山漢宣帝發

一是問群臣莫能曉劉向按此言對之帝大驚對峙而踞

關城之南綠樹蒼蔚峯巒羅列如屏者爲文屏

上有真君  
廟又名二

郎山○都御史楊錦詩名城正對二郎山層巒峯巒巒萬玉

環登眺臨連青嶂外轉移身在紫霄間渡門古木幽禽集

摩漢仙宮其容攀借問斬蛟郡守事徘徊遺跡不知還○

都御史石州張圻九日登二郎山詩古廟當形勝筵開入

翠微詩壇依菊坐王筆倚雲揮城郭蒼煙合山巖紅葉飛

淹留成一醉帶月自天歸○郡人馬汝驥登二郎山同大

兄詩手携杖繞雲松秀出吾州第一峯山接石城屯虎

豹水交沙窟混魚龍天門絳節時朝斗日殿黃冠自扣鐘

捫棘踐苔兄其上回看萬井翠煙重○王訓賢詩喬木納

佳涼况茲登高嶼四壘衛群嶺岐伏如鳥鼠琳宮既以闕

兼之構危處一臨心目澄澹然忘煩暑○郝汝松冬日遊

山詩朝雲連粉堞暮雪戴金宮漢表踈鐘起敲回一切空

○馬猶龍詩日暮煙霞檻外流雲籠翠色兩峯頭石渠廣

識他山事青霧疑臨此地鸞埋水帶連瀾裏落月瑩光滿

塵間收龍蟠虎踞當鷄白文屏踰王枕岡西兀然高城外

者為雕山漢縣名雕陰以此○唐韋莊咏雕陰詩雕陰無

樹水南流雉堞連雲古帝州帶雨晚駝鳴遠戍

望鄉孤客倚高樓明妃去日花應笑蔡琰歸時髻已秋一

曲單于暮峰起扶蘇臺上月如鉤○郡人郝汝松晚眺詩

蒼蘇蓋山頭日暮雨初歇環城西北深埋水抱雲巖為五

舒卷半天霞吞吐一輪月



虎峯西五里爲合龍山郡人御史李時馨有真武廟碑記城東南十五里

爲香鑪峯七十里爲定仙嶺武經以爲行兵要路金大定中置第二將營東四

十里爲鳳凰山相傳有鳳集此又名鳳宿嶺古屯戍處○唐張潮江南行茨菰葉爛別西灣蓮子花

開猶未還妾妾不離江上水人傳即在鳳凰山其無名及訛傳不經者不載

水則大理宋种諤復綏州夜渡大理水卽此循城西北注圓水後人以潰洑急流深

淺不定更名無定河亦古戰守要地唐陳祐詩無定河邊暮笛聲赫連臺畔旅人情函闕歸路千餘里一夕秋風

白髮生又陳陶詩有可憐無定河邊骨猶是春閨夢裏人之句圓水源出沙漠徑米脂

由城東至清澗境入河黃河也凡水之屬在境內者雖多不

錄其以泉名者爲鳴咽在城東五里相傳扶蘇死處舊有祠今廢○唐胡曾詩舉國賢良盡

淚垂扶蘇屈死戍邊時至今谷口泉鳴咽猶似當年恨李  
斯○少師太原王瓊詩城東五里盧家灣寒泉逆出石壘

山泉聲似泣還似訴彷彿公子遭讒奸昔人已矣恨未已  
無情却作有情比題各鳴咽萬古傳恨在人心不在水○

郡人馬汝驥四月八日遊盧灣詩彌背孤城曲川吞萬嶺  
扁白晴沙日淡首夏野雲鮮酒灑花間石葉揮樹裏泉獨

哀公子廟遺像卧蒼煙○王訓賢詩離陰城南恨水流鶴  
洲流下入鸕洲無須嗚咽長如此何似當年哭李山○郝

汝松詩秦皇無道遠秦性相煎 龍泉 城東龍兒灣淵靜侯  
急祇今樵牧人尚說扶蘇泣 廟內昔人有流觴亭

為冶游勝地今廢○太原王瓊龍泉紀遊詩青崑一上迥  
斜曛杳杳幽涼樹底聞馴鳥淨涵秋潔雪譙龍深臥晚山

雲題名 人誰讀修禊池荒客自醺觴咏從來傳樂事  
昔賢何必感斯文○郡人郝鴻圖春游回文縉清統樹綠

燕平麗日芳郊一望縈黎杖過橋尋遠寺柳花吹雪亂啼  
鶯低飛蝶粉飄香好淺暈桃痕映晝晴携酒春遊堪勝賞

堤長注水 碧流橫 若城西園閣中通惠泉則引理水以備急用者

今廢

古蹟 上郡城

今不知其處或云在城北○學憲濟南李攀龍詩高城窈窕四山開西北浮雲睥睨迴鼓

角疑從天上落輶車真自日邊來防尚借秦人策射石

猶傳漢吏才聞道朝廷思猛士羽書飛過赫連臺○叱馭

何來絕塞游獨看山色向新秋人家漸出層崖樹客路高

盤斷壑流朔氣忽隨風雨至孤城長傍夕陽愁五原子弟

輕烽火馬上談經半白頭○吳郡王世貞怨詩行忠臣不

可為良臣不可求李牧却秦師功多竟不侯朝議進郭開

夕骨委荒丘千金賣社稷舉宗托仇讐蒙恬俠筆

相樂別後 北二里為月兒臺

一名賞月臺相傳扶蘇賞月處○石州張珩詩太宰舊遊

地扶蘇賞月臺雙流平野合一經半山開石洞惟雲度花

崑但鳥來登臨興不盡徙席向莓苔○郡人王訓賢詩臺

臨溪上月臨臺若箇遊人賞月來清夜碧岩香滿院一天

秋水桂花開○那宗玄詩荒臺突兀插山頭帝子人傳此

地遊留得當時明月晉溪洞僉事桑淳為少師太原王晉

在一天煙水似含愁溪先生鑿○晉溪自記聖天

子即祚之年奸臣有忌子者喚言官論及之遂以屬吏必

欲殺之既而兩京臺諫及大臣復有言子功不可泯善不

可掩者於是不得已誦戊綬德明年為嘉靖改元五月朔

抵綬僦舍州城中觀綬之諸山至月崖崖有寺日月宮去

城北二里而近近而弗譁幽闐而弗荒因以為游息之所

明年癸未十有一月陝西按察僉事濮州桑君汝公行部

至綬嘆曰是足以寓公矣崖東舊有石室君命鑿其贅石

而弘敞之取予舊號書門上曰晉溪洞洞右有隙地在閣

之左高與閣並復構小屋下廠圍溪大理之衝題曰川上

亭又標山高月小水落石出八字自是予定居焉窮旦暮

閱寒暑惟山水與俱嘗觀夫雲霞卷舒雨雪流布煙霏而

月皎日麗而風妍時景變見明滅萬狀實惟此山為盡得

之罔巒上下多田疇夾河南北為通衢凡行者息者游者

歌者負而乘騎而馳者耕耘灌及樵而芻牧者往來交

乎其前舉囑而畢見至於州樹果蔬敷腴而茂實華木之  
欣榮蟲鳥之鳴時皆足以娛乎耳目而自適其天吾之耽  
游嘯歌窮年不知此身之爲遷客而去鄉里之既久  
也蓋景物當其會故攬可遠而觀聽可周謂非得山水之  
助乎夫綏本秦上郡秦太子扶蘇及其將蒙恬皆受害於  
此距河而望數里外廼陽周故地城之陰則扶蘇之家存  
焉夫綏固罪放之區也而今爲予之所履雖以予之踈曠  
既卽其地而能樂其所有然遐思其事亦不能不爲之興  
懷也惟世之奸雄欲傾其所忌必其智足以欺蔽其君而  
其力足以惑亂天下之人然後得騁其謀千載相循如出  
一轍迷夫勢消力歇而儉僞之跡卒莫能掩則以實理之  
存而不得不變耳故吾嘗于此當夫歲時云暮天空夜寂  
之時憑高而憇則凡向之交乎吾前者歸藏偃息萬籟盡  
閉徒見天宇之穹然山川城郭之巍然者在焉是其靜正  
之體彼紛然者固莫能有所撓也於斯時也耳目不役物  
我皆忘初無足以當吾之樂而亦何以悲抑予所以能  
不愧乎此地者亦庶乎其在此矣因書以爲記○翰林修  
撰武功康海記少師兼太子太師吏部尙書晉溪王公以

詔獄謫戍綏德綏士王玆輩因日從公游綏郡諸山  
水帷月宮寺山爲公所愛山有石洞公來則恒憩洞中或  
登眺崖際而崖復當大理無定二河之交其前直龍灣村  
烟樹鬱蔥望之如畫陝西按察僉事桑君汝公過綏與游  
茲山因更治洞軒豁可愛遂圖公像洞中而刻其上曰晉  
溪洞又構亭崖際臥憩亭上濤聲四來萬景俱寂公由是  
日夕居之怡神養氣若將終身因自號曰雙溪老人玆輩  
每侍公遊歸卽私相語曰自睹公後乃知胸中更無一毫  
榮辱累也公君綏六年天子以廷臣論薦欲起公矣尋有  
詔復公兵部尙書致仕公將去綏謂玆等曰吾太原距此  
近接石州止限以大河謂秦晉耳實古晉地也梁惠王所  
謂西喪地七百里于秦卽卽延銀綏之地焉民風土俗畧  
無少異予與諸君實有鄉契吾顧老矣後會無日奈何玆  
等感公之德因請記刻之堅珉以誌不忘昔予在翰林日  
未嘗不奇公之才服公之守也承平日久士大夫尊顯貴  
盛崇比周而誦法守智能之上先交予樹譽皇以釣世而  
固位雖敗露已及而群口騰頌及益重矣如是上雖思以  
名實綜覈天下胡可得也至于守法之臣則上無強援下

無私與惟徇理據事而行此主之厚廉邦之大閑也俗  
以垂矣儉邪目之一口倡萬口烈且夔非忠而伊傅非才  
矣况其下乎公為大司馬時方多事伸縮劑量悉得其賞  
明與本兵大臣孰能出其右者昔其所以先帝實受欺罔  
者而觀天下方以為美而縉紳顧以為病六年之戍公則  
何愧哉嗟夫士大夫際有為之日不能恪共其位比周相  
較去謾成俗如此子因為記而漫論之誠私有所感云耳  
○晉溪馬內翰過訪詩雲禪僑寓已三春夢寐家山景物  
新汾水故宮迷綠野晉溪書院隔紅塵獨慚衰朽勞行役  
誰肯芳年乞此身珠重瀛洲天上客幾回慰藉白頭人○  
漳南張宏詩山迷孤城水遶山洞門開傍兩溪灣漁樵得  
意閒談外童冠忘形野步豐塵滿苔堦不掃雲生竹戶  
畫常關九重寤寐思賢佐終為蒼生奉詔還○郡人任國  
相詩王公遺像洵中收留得煙霞萬古秋晚岫雲歸僧舍  
寂晴春鳥弄客窻幽雙龍野外舟橫渡五虎城頭月滿樓  
從此倒觴歸未得任教鷄憤報更籌○郝濟詩月宮荒山  
裏其宮艸宅之晉溪西北為吳兒城赫連勃勃破劉義真  
今去矣石洞尚留詩

卷之一  
六

以正西十里為馬關

宋元符中賜名

城東為李廣寨

相傳李廣屯兵處

少卿柳易曹建詩時

幾度過東岡漫訪將軍

胡方

百寨塲自是承平無戰伐

開花寄艸任芬芳

胡方

赫連臺○郡人王訓賢詩

朔方臺下無定河楊柳

城南三

青青臺上多攀望秦川

一春飛絮下煙波

城南三

十里為相思亭

宋司馬光詩序云相思亭在州南三十里大山與龍二水所交平阜上慶曆四年余

適延安過其下時夏人擾邊征戍未息竊感東山採薇之

義因作五詩庶幾不造周公之且以釋亭之名爾○嶺

上雙流水猶知會合時行人越于此那得不相思○偃蹇

登修阪高侵雲日間幾人征戍客駿馬望家山○塞上春

寒在東風雪滿鬚河陽機上婦知我苦辛無○柳似妖嬈

舞花如爛熳收那堪隴頭水鳴咽斷人腸○空列游絲轉

飄揚似妾心別來今城東二十里為大會坪舊有清流香

幾日彷彿近隴陰紹萬樹森森

赫汝松別墅也今廢附悲秋詩序屬悲秋之序時親燈火

之時漫擲揚太玄首匡歌杜少陵詩○五柳先生間壁七



松處士鄰家斗酒隻鷄過從行歌白露蒹葭度○雨瀟瀟  
而山黑風泠泠其波青對孤檠以長嘯枕寂寥之玄亭東

南四十里爲鐵笏坪 金大定中置 東五十里爲滿堂川 金

定中置第

二將營

冢墓秦扶蘇冢 州治北山上○少卿柳陽曹璉詩山勢峩

朝暮化作飄飄一縷煙○都御史楊錦詩長城親歷已沾

衣遙拜扶蘇淚復揮一黠丹心天照久幾番紫蓋月明歸

秦皇應是期將盡鳳詔誰教捷若飛 城西○參議

張望千秋思孝德松楸墓下俱成圍 蒙恬墓 超紳詩我來

離陰城尋古獨傷切憶昔祖龍代刑政多垂鉄蒙氏守北

邊趙李居台列奈何疑忌生至親亦疎別一朝沙丘變群

罔謀遂結功臣見誅鉏冢嗣忽磨滅樹封將軍冢泉流帝

子咽強羸亦已矣千載嗟忠哲○郡人郝鴻圖詩野鬼悲

啼處將軍此墓基秋風衰塞艸霜月冷枯枝惟有 金 趙勸

鼠成穴還爲狐所持依稀殘碣在尙說賜書時

墓 城西十里有 明馬文簡墓 城東五里 〇諭祭文嘉靖二  
十四年七月初三日皇帝遣

陝西布政司分守河西道左叅議王惟賢諭祭禮部有侍

郎兼翰林院侍講學士馬汝驥曰爾以敏達之才端介之

操甲科擢秀翰苑蜚英因事外遷旋復召用文場拔萃更

局編摩兩任司成回翔南北一經進講啓沃勤誠晉秩銀

臺端儀國學春曹佐政翰學兼官委用方殷設施未竟胡

爲嬰疾遽爾長終計音來聞良切傷悼追惟往績備爾卹

典稽行易名贈官鴻葬特頒諭祭

以慰爾靈九原有知尚其歆服

形勝 前倚雕山後連川水黃河在其東沙漠在其北襟帶

關陝控制靈夏實爲用武之地

風俗 地近邊陲俗尙強悍 苦耕稼女不織紡士習儒雅

英才輩出

災祥

漢 孝景四年旱 ○ 延熹二年甘露降

唐 永徽二年 霜殺禾

金 大定元年二月飢 六月旱 ○ 明昌三

年秋野蚘

元 元統六年

明 正德五年六月大水禾稼漂沒 嘉靖八

年大飢

元 雨白毛

十五年蝗蟲蔽日 ○ 嘉靖八

年大飢人相食 ○ 十二年大旱秋淫雨霜殺禾民死大半

○ 十五年蝗蔽日 ○ 二十四年十二月地震如雷房屋城

池傾圮 ○ 三十六年水衝入城漂禾稼 ○ 三十八年河清

○ 隆慶三年大水 ○ 六年飢 ○ 萬曆五年大旱 ○ 六年大

有年 ○ 十年飢 ○ 十八年飢 ○ 三十七年河清 ○ 三十八

年大旱 ○ 天啟七年河清 ○ 崇禎元年艸木多華 ○ 二年

三年大旱寇起 ○ 四年冬大雪四十日人死過半 ○ 九年

河清大有年 ○ 十一年河清旱 ○ 十二年蝗 ○ 十三年大

飢斗粟九錢餓莩遍野 ○ 十四年七月大水禾稼盡沒衝

入城市 ○ 十五年河清雨土雨泥大疫

國朝

順治三年大雹 ○ 四年飛蝗蔽日 ○ 五年蝗 ○ 六年

○ 十二年河清 ○ 十四年三月大霾晝晦數日雨粟兩豆

種之亦生苗葉異常 ○ 十六年大水 ○ 十七年六七月霖

綏德州元

綏德州元

卷六

綏德衛指揮使司

與州同城按舊志洪武六年設鎮撫司正統二年改衛趙世勛萬曆間志稱元

設明仍今攷元史天下無衛所之制未詳孰是○其地乃分綏米清葭神府等州縣為軍屯幅頓千餘里領千戶所五百戶所五十隸陝西都指揮使司

國朝革去指揮止為綏德衛順治十六年省入榆林衛本

年改併本

州尋復舊

郝鴻圖曰綏德爲古上郡地迫近邊陲民俗質木山川  
險阻秦漢來號爲守要地自山末不造生民荼毒寔甲  
天下經斯地者莫不傷之士著者又何堪焉則觀風致  
化移其末而易其本使綏民復睹承平寧無厚望于轉  
移者乎若夫尋山問水吊古興懷直騷人之餘事非經  
野之遠圖也夫何志

新德州志卷之一終

綏德州志卷之二

建置第二

綏德州衛同城自洪武中始其制緣巖依阜環水包山東

西二里一百八十五步南北二里三百一十五步方八里

二百八十步重門四東鎮定西銀川南安遠北永樂跨門

為樓各二其在城東山上為信地樓南關接連大城方六

里三十步門四東賓陽西上上水西下拖秀南來遠建文

中建兵變後廢御史李翰即事詩天開圖畫插骨空睡起

郡城東亭亭斥埃荒煙外點點樓基暮雨中帝德覃敷民  
按堵三農不識治兵戎○郡人馬汝驥東門樓讌集詩將

軍讌客鼓頊嶼城上樓高月可憐玄兔棲雲驚欲沒碧蟾  
 臨水照仍圓關山四望真吾土烏鵲三飛不異天醉聽霜  
 笳翻別詞桂花遙落滿瓊筵○太原王瓊即事詩百雉城  
 邊萬里流關西突秀此各州山凝紫翠煙橫寺水漾瓊瑤  
 月滯樓石浹亦含秦國恨樹聲常動朔方秋相思亭上應  
 惆悵青墳珊瑚一色鈎○馬汝驥人日登信地樓詩山上  
 孤城城上樓故園春色萬山收天橫河氣晴虛射檻倚邊  
 雲凍不流漱漱金花懷碧苑遲遲絲結問滄洲仲宣才賦  
 今無敵信美憑高散百憂○王瓊詩興來走上城頭立亂  
 山堆青水流綠川原淨洗絕纖塵花明粉媚添精神我貪  
 雨後好風景不覺明月隨歸人○日日登城不厭頻城高  
 百尺可怡神雨晴石齒河聲急雲斂樓頭山色新地隔紅  
 塵心自遠人懷綠野趣偏真謝公  
 况有東山廡曠達誰憐放逐臣

**州治**在城內  
 洪武中知州張進建

前為**申明旌善二亭陰陽醫學常平倉鄉約所東陟差戎**

而上為**儒學**

金承安四年改建泰和元年增修  
 治十七年知州王元士重建○金康樂寨知國朝順



察賜緋魚袋劉忠記秦併天下以赤翟故地十五縣爲上郡今綏德是也漢初入于口口唐通于口口五季領于李仁福蓋其民不沐口口涵養之德爲日久星永其口口以得名者亦以口口錯居止于撫綏安輯之口已矣至于教化遠暇及哉國朝之興今迨百年民漸知化然以州遠形勝襟帶關隴控制靈夏實爲用武之地又蒞政者率多武人故學者比內郡爲少袁承安四年東原口口以名進士爲軍事判官既而亳社秦君守正領以通儒來相與謁先聖先師而廟居州之西北夾城地汗下廣不盈畝序像設不具惻然以爲陋謀徙而大之明年得地于州之東南極亢爽遂營新宮成口口夫子於陳蔡者像之登於堂其六十二子續于兩廡簋簋登豆壘尊均行春秋祀事凡所以用之者如禮卽其宮學室庭齋庖密製庫口口所以資之者無不備鑿宮前上山闢其扉臨通衢口口室也凡業學以吏者約割月俸餘亦率私錢以財口口而材徵工神棲甫基秦君口口尚書工部郎山口其事自夏及秋六月而工畢由是境內及旁郡來學者乃以書走東原請予爲記予以爲王者之治教化爲本口

口口也在昔國家黨序之間有學有序有庠有塾所以通  
 養其民為至詩書六藝鄉射食饗以習耳目以易心志以  
 克其四體而變其風俗其嗜口口腹之欲口口用而不知間  
 升其才以為天下用其或不率然後束之以法令威之以  
 刑罰其治之本末如此故天下之勢安危治亂每視其學  
 之興廢夫口口吏愛其民而牧之者當奉教化宣之于民  
 至于簿書期會刑罰法令一二胥吏職爾然非知治之實  
 則亦未嘗不本末倒置口口蜀舊不知學口口文翁口口柳俗口口子厚不鄙其民動以禮法為新廟學亦自於  
 奮意文翁子厚之時循吏為多至使天子之教化遠被口  
 獨口口二子者無口口其口口而能推其本也今秦君於  
 蒞治之始建學校作士氣以奉天子教化為己任使其民  
 知口口涵養之德適以慰秦漢五季之不幸其功豈不偉  
 與抑亦可謂知本而得為天子之吏之體是以樂為之書

**鐘樓**

金大定

迤北為鼓樓

唐建州置保大軍節度使故又名保大樓

屯倉廣盈

**倉**

嘉泰中

衛著

洪武中建○郡人郝汝松題名記蓋聖子君以嘉靖癸亥祝備蒙閣二載撫院於西

圍戒嚴借君禦守會本兵五年大選軍政之期仍檄君視  
篆時西事亦底輯故王君復于綏振飭精勵較前更采聯  
矣暇與南屏文君觀屏壁題名記始傳君貴迄史君臣得  
三十又五人祇名品行慨然有曠世之思焉曰嗟乎前事  
之毋忘後事之師也予欲繩厥芳武將勝則而可文君曰  
徵亦濫名斯石矣傳情者其難哉夫前代守令於此誌擬之  
執法裁戢啟怨之府錢穀福獄善不善於此誌擬之  
將領匪才則事不集匪識則機不融匪毅曷持匪雅曷馴  
載觀紀名諸公兼之者顯榮失之者淪滯嗣徵祛慝皆吾  
師乎王君聞之竦然若有與也曰後之視今猶今之視昔  
吾題吾名來哲君子其品我云何敢不敬也夫以承無墜前  
人之令緒文君乃別置石書王君名爵而問文于郝子因  
次述其

**察院**

**考院**

**東南**

**爲青陽驛**

舊在城北嘉靖中改城南關順治中改城內

東門外數十步爲

**騎圃亭**

六十里爲

**義合驛**

郡人馬汝驥宿義合驛詩

小驛鎖重岑高樓背遠林馬驅千里外燭坐五更深  
雪暗庭闌日天懸道路心西河明日渡回望更霑襟  
又六

十里扼黃河限秦晉為關譏者官菜園渡口巡檢司在河西驛

前○馬汝驥詩河西驛前河水流河世宦子旌夜州長年  
換舵晚更急漁子繳譽寒自由奔浪却驚孟門口乘槎莫

羨崑崙丘耕桑釀黍老僧正司在天寧寺道正司在九真  
亦足南北東西無不備

觀正德年廢曹健女真仙官詩院落深沈點碧苔瓊宮城  
觀瑤室似蓬萊我來煮茗談玄劫一洗胸中萬斛埃

南為養濟院城北為演武場俗家約時取火起離城塵沙  
情霜落彪池溪秋深太白

明嫖姚方虎視不學請添兵在城西

三路舖舍由南關總舖至清澗界曰新安紫柏東至黃河

曰石佛鳳宿蒲堂義合堂完焉瓦舍峪北至米脂界曰石

井鶻砭 橋梁之在官者東無定西大理秋修夏撤

斥堠護城墩三高峯圓東路墩八新安南陽石佛新修瀟

南路墩三毛家山周家西路墩二史家灣北路墩二青兒

家堡寨南田庄西克戎本夏之細浮圖寨宋元豐中收

二年置第北開光本唐縣後廢宋紹聖中修築元符中賜

四將營名○三堡今在清澗米脂綏德衛境為

綏城扼塞要地○郡人馬光稷詩開光唐宋

地形勝界固綏家世村于此孫兒耕讀之

兒臨川定遠馬攔中山等十六堡俱在州境

郝鴻圖曰易稱設險禮著等威飭國馭民敦教養士建

置之大較也綏德形據上游執稱扼塞而變亂類仍不

無黍離之感况城復于隍雖險曷恃學鞠為艸其教安

續德州志  
卷之八二  
四  
施服官者率傳舍視之教養將何賴乎

郡侯太原王公當塘若羹若之秋斧剗髮櫛新學宮繕  
諸廢其於謀始慮終亦云備矣故悉其作人求瘼之心  
以志教養之偉績焉

綏德州志卷之二終

綏德州志卷之三

祠祀第三

**文廟**

在州治東儒學前金承安四年刺史秦守正改建泰

啟俱重修明末全圯順治十七年知州王元士重修建○

檢封清澗白乃貞碑三墳曰天氣歸藏動鼠聖人以防邪

禮正命訓云福莫大于正義禍莫大于淫祀肆古先王未

有不防淫維正垂戒以示後者也而防淫維正莫先于學

學宮理則講習有地釋奠有時禮義有出觀化有源吾道

為尊而淫祀是屏一切政教有治而無亂皆由于學之有

與而無廢矣綏學在城東阜觀示一郡元包經謂塵幕于  
巖土之冒也石瘞于土山之潛也以塵幕石瘞之上而有  
學其山水環峙須宮室棟宇壯麗輪奐俾諸生以時習禮  
其中醞釀而涵育之則賢才輩出科名接踵風俗以成美  
政伊始始焉然而修葺者不數見稽金泰和初改建後迨明  
萬曆九年至清順治十七年歷陰七之歲二十有三陽

七之歲五十有七而三大修建其修建千萬曆九年者為  
 州侯晉上黨劉公學博則永壽任公也洎天啟四年州侯  
 盧公興學陴驛則又載之碑記可攷今三十七易艸木而  
 修建于順治十七年者為州侯晉太原王公學博亦永壽  
 實公也試設心其時與勢劉公盧公處其易而王公處其  
 難王公蓋經始于春仲閱秋孟而告竣焉于其成師生屬  
 余為記史貞曰吾聞侯之省工也越五月而不以為勞其  
 輸已貲也踰百餘金而不以為費其覓人之力與技也五  
 千餘工而不以為多其易良材而堅甃塗丹殿而不以為  
 絢割建則有尊經閣敬一亭東西兩齋戟門學署儀門名  
 宦鄉賢兩祠重修則有啟聖宮先師殿東西兩廡明倫堂  
 櫺星門旁及于文昌扶蘇之祠凡五十餘楹十有餘所而  
 不以為煩其中木主之更新豆登之製置置必誠必敬考禮  
 樂合典制而不以為侈凡待士如賓愛民如子良法美意  
 不一而足而於教養之大者尤摯若綏民之困莫郵傳為  
 亟公以宜洛諸邑名協綏驛逋欠無實重困斯民為力請  
 于上存綏之額賦以食之駮駢駢賦有起色足之服役  
 者始乞于康謠頌茲歌此倡彼和視昔盧公之興學教士



魁驛養民者誠難乎軒輊論矣是以綏之士民口碑則載道也禱祀則徧里也尸而祝之俎而豆之日而月之無不一之詩曰明明魯侯既作類宮又曰豈弟君子遐不作人公之謂矣太玄稱厚道君子秉斗又云神交實管易以黼黻公治綏之謂矣貞德簪筆之後將執簡以書于教養循良之列用紀其勝焉○御史米脂艾元復陳善嘗觀孔子刪詩泮水闕宮之章載在魯頌知宗廟以祀其祖宗學校以崇其道德學宮之尊與太廟等蓋有天下者所並重云維我世祖皇帝御極十有七年車書一統誕敷文德陶治群英息介馬澤詩書念天下郡邑自兵燹之餘學宮鞠爲茂艸經學罔興訓導未洽詔下有司踴躍增修圖所以光大而更新之者上御太守王公應詔加意釋菜之宮鏡力助以綏序爲文獻之區風雨飄搖者非一日矣自明代天啟丁卯海陽廬夫子以斯文爲己在鼎建正殿巋然恢霍極其壯麗雖一簣一豆罔不經心士林稱道弗絕迄今三十五禩疊罹兵氛垣頹棟朽如尊經閣諸講堂誦舍以至博士退食之所多摧圮剝落風雨割其隅霜露降于席博士弟子委于艸莽而不能時授受他郡守

毋相顧嘆惋而竟不能議修葺弦誦之地仍鬱爲苔蘚王  
公朔望朝夫子宮蓋然而嘆曰不穀忝爲州大夫而忍令  
其弟子之不學與學宮之材靈可乎于是遴子矜之秀傑  
者月有課親爲評騰而進以聖賢之微言焚膏筆硯之資  
咸有助焉由是文風丕變乃首捐清橐鳩工構材一時薦  
紳諸君在序諸子咸有同志樂輸恐後焉廣文寶君相助  
爲理岌岌然廢者興之若尊經閣若學官衙舍賦頌然鼎  
建剝者新之若正殿若號房若泮池咸蔚然改觀蝕者補  
之若兩廡若櫺星門若啟聖祠若鄉賢祠若名宦祠咸秩  
然重新他人經年嘆舌而不敢任者公以實心任之不浹  
日而辦不移歲而成經始于庚子之春落成于庚子之秋  
割無增有王公之用心聖域如此其至也大中承張公嘉  
公勞績聞其事于天子下所司議功大宗伯敬哉王公  
多公之勲疏請紀錄  章皇帝可其奏甚盛典也孝廉黃  
君如闇公車至輦下介諸友尺牘留余文以侈大王公德  
意余不敏雖固人也自先王受先君子及不佞元復三世  
生子綏長于綏熟聞綏之掌故日擊綏之風聲理水盪其  
胸雕山襟其面文心映發異于恒區科名鵬起人物彪炳

明中葉彈心理道統接濂洛者如馬宗伯仲房郝憲副玄鶴大有功于聖學載在國史其他賢才輩出以經濟言之節鉞秉憲實有其人以節義言之建言福國實有其人以文章言之著述史館實有其人以吏治言之循良卓異實有其人仰彼往哲寧不景慕宗風是孔子六經之功爲能與日星並昭矣邇來諸子生先正之後沐王公之教而有學爲聖人之志者當讀書懷古取昔人忠孝大節講之有素幸而遭時遇主豐功偉業卓然史冊之中與馬郝諸君子後先輝映以應 朝廷菁莪之化而分席先賢之坵記非王公建學造士之澤哉不昧徒以咕嗶爲讀書以圭組爲事業將何取于學也大非王公崇儒之本意矣諸士子瞻于廳講于學必有感發而振勵之者以復先代文物之盛王公于士也類能教之而其于民也困者蘇之貧者富之弱者煦之悍者馴之春陽以膏之夏雨以沃之耕者樂于畔猶夫誦者吟于岸敢因敬士而併爲之記其愛民王公諱元士字次卿以經明行修授綬德知州父秩斯公辭芋天啟壬戌進士歷吏部郎中廣東廉憲崇祀**社稷壇**名宦鄉賢公紹家學以崇正學如此不可無記

**社稷壇**  
城西

風雲雷雨壇

城南來遠門外

郡厲壇

社稷壇在

城隍廟

州治東南洪武中建景泰弘治

嘉靖隆慶年俱重修順治十八年知州王元士重修建○

隆慶年知州袁思忠稟易謂王公設險以守其國者城隍

是也而廟貌不經見惟唐李陽水有當塗廟記張說張九

齡設祭有明言■曰致和產物助天育人又曰城隍是保

酈庶是依在唐已然嗣而封伯賜額燕襍不經洪惟我大

祖高皇帝統天下釐正祀典詔建城隍像以崇報祀所以

明禮樂達鬼神昭治化俟百世而不惑者也故視篆必謁

祭厲移主而又御製誓告文以昭感應嗚呼設官以治于

治之所及設神以治于治之所不及所以為民慮者深且

切也緜為台上郡舊設廟于城東南隅有堂陛有寢宇有

巖廊有重門又刻為侍御分為部曹置為鼎鑊刀鐮繪為

輪迴箠楚是故見者驚心聞者震畏莫不冥然思默然省

惻然懼躍焉而戰慄勃焉而變色有以潛消其隱伏暗恣

之惡而興起其幾希萌孽之善念此雖人心之感通其固

有之良而寔城隍之神有以神之也但崇信先于壯觀森

嚴足以起敬緜之廟非不儼然麗也歷年久敝且圯前守

熊祚捐俸而重新之義官劉世華等募緣而贊成之祠  
至暨輪奐輝映貌巍峩始燦然已也謀記于嘉靖己未  
秋仲迄今未成忠于隆慶戊辰來守是邦謁見神路咸渠  
趨瞻未便兼以棟宇簷阿未復華采鳥革翬飛動皆錯落  
復令工同前人而築飾之工完官民以前記屬予予不敏  
因慨幽明一理治化一機語曰神道設教以化感天下又  
曰作善降祥作不善降殃要之有其誠則有其神神之所  
以禍福由人心之禍福自神之也若感召之無道是幸福  
于回徼禍于免矣民可不交思以求其故耶予也忝牧茲  
土思治事神分殊理一要言不越乎誠故語曰務民之義  
敬鬼神而遠之又曰使民如奉大祭然則使事無二道誠  
敬無兩心知所以事神則知所以治民矣不誠是務惑心  
黷賄慢神虐民吏奚足道哉矧誓神之始期政有忽忽者  
希神默相以成安民之勳向使神無鑒察之明而吏有諛  
諛之瀆非誓神始意也亦  
非立祀報功意也是為記

**土地祠**

州治儀門外

**文昌祠**

一在來遠門外

**扶蘇祠**

舊在文廟左嘉靖中知州王潤建順治間改建疏屬小峯知州

今廢一在文廟右  
知州王元士重修

王元士重修○嘉靖二十三年都御史邵人孫錦碑廟祀  
扶蘇而創建云者昭始也傳曰有功德于民者祀之長子  
故秦之儲貳也潛德未耀曷從而祀之蓋予其志之忠諫  
之善而事之成敗不與也始皇二十餘子扶蘇在諸子中  
長且賢而竟弗嗣何與君子曰可以觀天道焉按秦記始  
皇二十七年并有天下相李斯變趙高志得意滿凡可以  
窮奢極欲者靡所不爲甚則坑焚之罪上通乎天矣雖欲  
不亡不可得已是故天欲亡秦故亡扶蘇亡扶蘇故坑諸  
生借使不坑則不諫不諫則不逐不逐則不亡不亡則必  
嗣嗣則斯高不能容其身而亥無由襲其位秦業猶有可  
爲卽不得享國長久亦未必如此之亟也丘文莊謂秦亡  
基于扶蘇之遠去其幾矣其幾矣或者乃謂矯詔方臨彼  
皆握天下重兵萬一長嘯入關斯高無遺類矣嗚呼是蓋  
不知有天道之說也觀扶蘇之諫有云天下初定遠方黔  
首未集諸生皆誦法孔子今以重法繩之臣恐天下不安  
從容教語嬴氏之精神命脈具在始皇豈惟不聽併扶蘇  
亦斥之嗟吁始皇爲子孫萬世帝王之業孰謂智不及此  
耶然一斥三年竟不能回監軍之節尋致左右乘間賈禍

扶蘇遂其心焉恭一天奪祖龍之魄而假手於斯高也謂不  
有天道乎朕扶蘇仁人也齋志而殞後世有遺憾焉卽其  
言宗孔氏心切安民固吾道中所亦與者州守王侯家食  
時讀史至此輒撫卷慨然比刺綏訪城中隆然北峙者爲  
扶蘇墓始未有爲之廟者似爲缺典卽欲廟之會邊境多  
故越二年稍爲修葺遂請于上司而可焉旣乃以長子扶  
植名教爰上陳地于泮宮之左而材陶甃以堂以垣以門  
以碑肖之以像示有依也祀之以禮示不瀆也城界西山  
下亦有蒙恬冢恬兄弟世事暴秦其人可知特以其同有  
事于茲土又其死由于長子也亦肖于左側俾得從祀焉  
於鉞不但己者有可起之禮不終缺者有可待之時秦距  
今垂二千年侯乃曠世相感禮以義起而成久缺之典政  
憲崇良闡幽立教意亦微矣若夫吊古曠窮又餘事耳夫  
豈徒廟哉侯諱潤字德卿晉之潞安人以鄉進士刺是州  
勤恤民隱敦崇

**名宦鄉賢二祠**

文廟櫺星門內  
知州王元士建

**旌纛廟**  
衛署

北山右壇廟官祀也其祠宇寺觀附見而淫祀不與焉

**真君廟** 一在州治東 **三官廟** 一在城內 一在文屏山下

有三元行宮邇來風雨敵之歲戊午友人馬光顯葺飾之

閏月竣事丹壁飛甍金榜畫棟真勝地也乃向余索所以

記之者夫三宮之祀寔繁不具論而此地頗清勝足供眺

嘯時當滌暑拾級而升覺兩眸間習習風舉有羲皇以上

意且不近市塵一切喧嘩罔復溷襟疎宕空曠所謂城市

山林非耶登此臺者近而憑欄朝暾暮霞金紫相射遠而

引盼峯頭樹色蒼翠交如其境 **昊天閣** 一在來遠門榆林

固有足賞者余因書石以記之 **兵備副使王廷諫**

重建一在九真觀石巖上今廢 **趙忠詩** 跨壑飛崑崙數

椽上橫山色下流泉石壇俯瞰西秦 **贊閣** 平臨北斗懸

**真武廟** 城內城外 **漢壽亭侯廟** 一在商關 一在鎮定門

之西故有關壯繆侯祠王衛事劉君歲時伏臘奔走香火

遂舉宇垣顏蔽盡為更新乃屬予為記予因感于昔之論

矣昔有問者曰關壯繆凜凜千載而潘陽節舉秉燭達旦

一事謂是雲長大節別嫌明微百人所謹似若不足繁其



生平者予曰曠哉言也當日之事雖同嫂叔然莫君臣奉  
至毋相與周旋卽四方奔竄而名分固在寧獨大夫夫令  
以中材處此亦誰敢有他志惟是孟德何人爲之出祖而  
前旋後顧左眈右喊其不爲噉食之而寢處之者幾希聞  
闕流離百折必東真所謂豪傑而聖賢者哉以故生氣不  
朽相與爲天地日月行也歷千載後宋則神之曰崇寧真  
君元則進之曰義勇武安王今則又極尊之曰協天上帝  
帝之稱似無所據而薄海內外翕然同稱則卽人卽神卽  
天矣狀原謚壯繆予猶竊附于漢

**東嶽廟**

在信地樓下○知縣朱脂艾應

第記高皇帝定鼎命太宗伯會議祀典首郊天次頌祭嶽  
鎮海瀆儀于所在有司歲祀所從來矣東嶽綏德舊無專  
祀第構斗室于真君廟隘不足奉瘞火郡人思所以恢拓  
而專祀者業已有年會己酉約吾文公倡改建之議卜勝  
于城東信地樓前其地回折數盤始陟其巔離山理水潏  
洄襟帶直第一光明境界也閱七八年所而工始漸就樹  
林身語別有幽玄之趣廟貌甫新地靈增勝矣豈非數百  
年奇邁哉工始于己酉告成于丙辰規模亦畧備矣更欲

穿洞而上與信地樓通則俟異日焉○郝宗玄詩凸

聖母

廟一在鎮定門外一在文屏山下○少師太原王瓊碑易

曰精氣為物游魂為變是故知鬼神之情狀書曰鬼神

無常享享于克誠是幽明之理相為感通大而位天地育

萬物要亦不出乎此焉古昔聖帝明王陳藝越以教民之

善張刑罰以禁民之邪然而立天地百神之祀所以使民

不教而自勸不禁而自懲者未嘗不托諸鬼神焉故世之

愚夫愚婦斗米尺布兄弟妯娌至不相容而于鬼神祠祀

則有齋產而不斷者爭奪吞噬鋒刃相加目不少瞬而拜

瞻廟貌則有瞻落氣消而若無所容者雖鬼神未必即禍

福人心之畏敬乎鬼神將去惡而遷善化兇狠而為慈祥

豈非以鬼神之靈自能使人畏敬奉承而不容已者哉綏  
城之南舊有聖母廟自洪武間州民顏永中創建率所在  
居民奉祀之是時法用重典有司弗為禁者從民願也正  
統戊辰永中子喜喜子傑復倡率居民重修之正德乙亥  
典膳王瑾李臬耆老孫貫用鳳復加修葺而未完今嘉靖  
乙酉民人張經史大佑者勸請闕里樂善喜施之人得錢

若干緒煥工繕營敝者完而頽者飾郡庠生霍景惠輩以碑文請用紀歲月余嘗怪夫世有常祀謂之正典而諸非祀典所載者謂之淫祀知禮守正者必欲毀之而卒莫能正何也豈非以人心一念之敬畏可取而不拘拘于形迹者耶今夫秦嶽之神孔門之訓列國大夫有不得祭者而今環齊魯燕趙之民非有刑驅勢迫奔走于數千里之外結轍道途進獻香帛竭盡誠悃祈福禳罪萬口一辭稱爲聖母豈禁令之所不能加哉蓋因民之情知有鬼神之可畏而不必強制之耳泰山所收香帛歲以數千緡計揀荒折俸率貶給焉尙何制之有哉緡之東六百里許曰太原太原與緡皆古晉地也太原有晉祠洪武初封其神爲昭濟顯靈廣惠聖母命有司歲時致祭後因重修祠宇記其事者以爲晉水發源于此地地有母道故以名蓋人生兩間以乾爲父坤爲母其說未必無據也雖然鬼神者二氣之良能其往來屈伸于天地之間福善禍淫幽明相感亦惟其正而已故世未有作不善而神不降殃者亦未有作善而神不降祥者苟于處已接物之際凜然如上帝之鑒臨鬼神之在側見善如不及見不善如探湯則自能順天

地之道契造化之理而鬼神自福祐之矣若曰徒知敬神而不知敬身犯刑憲殃子孫而謂鬼神不靈豈理也哉予以是告綏之民用鬼神之一念擴克之勉強為善而不敢為惡以成忠信之風敦孝弟之化則予之為記庶乎其無媿矣○郡人王訓賢碑綏之東城沿于小岡綿亘于二郭山之委麓雉堞女牆參差蔚蔽于其上馮高而眺東則郭之外峯巒匿匿巖巖朝夕消長變化于谿壑之間西則郭內之閭闔闐闐井幹鱗次晦明往來于通衢曲巷之際登斯岡也郡之勝具在指顧中矣岡之上舊建聖母祠歷年既久頽圯剝落不堪游覽太守武陵毛公乃命智老宋漢輩修葺之數月而役竣因勒石以紀其事余謂神依于人者也神必得人之精氣以成其道而後靈益著故人之崇信與否而神之聚散感寂因之矣傳燈錄著元珪禪僧之辨論嵩神破齋墮禪僧之超化泥丸是鬼神之妙機也聖母之所自固無考據然神以人興人以事起綏之士民胥而朕嬰而毓亦夥矣當必有神以司其嗣胤之功有是人則有是神不可誣也莊周所謂沈有履篋有髻丘有萃山有夔水有罔象野有彷徨澤有委蛇况綏之為郡又非

沈龍山澤之可比也。心之所感，事之所成，能無乎故。南  
海之祀，天妃、湘江之祀，帝女、聖母以生育為功，則又有要  
于江海之神者。此祠之所以修也。書曰：如保赤子，然則太  
守公之修愛養生，聚意也。是役也，始於萬曆四年之三月。

吉日告竣于冬十月之上旬也。銘曰：於維聖母，有赫其靈。  
誕育黎庶，終和且寧。奕奕繩繩，瓜瓞臻齡。徵蘭兆熊，岐嶷  
寧馨。如螽斯羽，如金在型。如桂流芳，如柏耐青。胎相化生，  
妙合成形。邦家有慶，夥翼鴻溟。日躔大火，玄扈揚威。星祠宇

聿新紀，**馬神廟**在南。淵靜侯廟。城東龍兒灣。宋元祐間建。  
此刻銘。巖間有頌云：杜陵孫靖

守綬，數詣靈源，祈禱感應。時雨霑足，擇日備禮，恭謝祠下。  
男保義，即渙濤，澤浦侍行。宣和甲辰歲八月十二日，唐臣

題**九真觀**。州治右順治十八年知州王元士重修。○郝光  
詩：老樹參天夏日長，炎蒸不到翠微涼。道人睡

起無他事，一卷**天寧寺**。城西○都御史孫慎詩：坐對西山  
黃庭送夕陽。寺清幽，會客心。霜林相旦夕，雪嶺

共高深。殿閣空中象筌，竿物外音。諸天纜咫尺，公暇即登  
臨。○叅議趙紳詩：幽意忻名刹，停輿共舉觥。萬峯連塞迥

一水近樓明直梵依筵落昏鐘雜樂鳴金輪橫嶽翠繡拱  
 拂雲翼勝地須臾會高談邃古情何當司法召吾道在花  
 城○太原王瓊詩雕陰城南八月秋招提突兀山之頭扶  
 藜直上馮虛立四顧風景令人愁山勢高低互隱現雉堞  
 盤迴倚山轉參差樓閣橫紫煙詰曲河流拖白練扶蘇本  
 為諫坑儒矯詔賜死奸臣謀至今兒童識其處秦廷佞人  
 已族誅蒙恬冢在世已遠築城見何淺三十萬衆上  
 郡屯飛芻輓粟天下怨歸宋李顯忠青澗城南血淚  
 紅師都何人僭帝號瞬息富貴如飄風忠孝奸諛兩安在  
 高山流水常不改洞中老僧睡未醒原上遊人空慷慨暮  
 雲收盡月華清樹杪風來蕭颯聲人生造意且行樂世間  
 寵辱何須驚○侍御劉燾詩塵世清虛境登臨入望佳萬  
 山盤虎豹一水鬪龍蛇落日天低樹雲開月照沙洞門鐘  
 磬寂香霧繞曇花○巴蜀西坪詩尋幽漸入白雲深何處  
 住山慳賞心霞映樓臺緘貝葉日翻金碧耀珠林秀分崑  
 嶺開天地清帶河流自古今信是平生山水癖不煩紀勝  
 付雕陰○郡人王訓賢詩岩峩結危構臨郭間長湍劔洞  
 雲生竅烹茶月破圍客來簷鵲咤僧定木魚閑高閣函經

處祥霞繞翠欄○張若良詩金碧巍峩出絳霄諾天樓閣

踞山腰夜清煙市經聲合香霽祇園法雨飄峰頂雲蒸屏

五疊城邊水信日三潮幾年嘯聚渾無恙涉屐披襟喜見

招○郝濟詩蘭若無人度暝鴉荒涼雪徑向山斜醉來不

覺塵魔惡臥聽松風落舊花○蕭蕭老柏欲棲鴉坐藉蒼

苔月半斜可是虎溪三笑後共來白社醉蓮花○郝鴻圖

詩空山寥寂噪寒鴉共醉招提日又斜為問當年微笑處

個中消息幾枯花○山色空濛隱暮鴉紛紛涼月逐人斜

年來慣惹維摩病丈室阿誰與散花○米脂艾元豫詩院

幽古柏只棲鴉山色寒光映日斜積葉不除僧自懶平鋪

曲徑灑霜花○郡人張雲翼詩橫庭翠柏宿寒鴉一水盈

盈逸寺斜山徑無人風自掃苔痕蒼白石生花○張雲翹

詩亭亭古柏任棲鴉老幹虬枝曲影斜

天籟微風聲自韻輕翻葉粉亂霜花

然下瞰埋水為綬郡名勝地順治十八年知州王元士重

修題其額曰振衣千仞○詩人馬汝驥有檻危懸粉堞塔

峻倚瑤臺香氣蒸雲上鐘聲度漢迴之句○張若良詩七

十老翁何所求炎天風日且悠悠短長自是同鳧鶴呼應

無勞問馬牛，橋木此身今。隱几含珠如世總，浮漚空廬半。  
有彫殘色入暮邊，城鼓角愁。七十老翁何所求，登高臨  
水口，悠悠條觀清。發宜驚座，向若無綠莫辨牛。萬壑奔流  
生集雨，百年變態等浮漚。誰知浪裏爭樵採，絕勝空山負  
斧愁。○郝宗玄詩：高閣憑空靜不譁，孤城窈窕曲欄遮。天  
邊綠漾溶溶水，鶯外紅飛片片霞。酒散鶯花無定主，夢回  
蕉鹿麴誰家。愁來莫向溪橋望，腸斷煙波日又斜。

月宮寺

城西北○太原王瓊詩：載酒尋春石窟山，眼前春

比謫仙狂問月，誰如陶令早辭官。乾坤俯仰成今古，世態  
浮雲一笑看。○王軌詩：縷金樓閣倚山腰，百折羊腸石磴  
遙。老衲迎來高處望，一川風雨畫蕭蕭。○段豸詩：天上曾  
勞七寶修，東風換盡廣寒秋。繭窩煖結黃金甕，蟾影晴涵  
白玉樓。塵土已空煩惱障，乾坤不照別離愁。何須花下明  
長燭，直待清輝爛熳遊。○郡人張若良詩：寺前無定水，積  
雨若江湖。偶失廚中爨，須尋浪裏樵。情同農畝望，食與禱  
呼。招徒倚雲林，色辭山爽氣。饒○憶昔尋幽下榻時，層巖  
寶相倚。如之月明水色通，銀漢春滿花光映。柳絲自繞



殘無濟勝偶經荒廢實堪疑只緣群盜多兵火一壘蕭條

可悲○柳從元詩橋尊踏破翠微煙萬里雷光入畫筵

釵脚漏痕簿筆陣水窮雲起悟詩禪香花拂座三生幻皓

月穿杯一盤懸此際直空塵外想始知直覺可忘年

觀音前庵城西五里○郡人那聖詩欄步入禪林清幽洗

聲自古今無邊佳趣在收拾付長吟○一入觀音寺清幽

別是天蒼松不記斷斷認尚存年尋徑綠山曲聞經識教

玄浮生閑半日觀音後庵在前庵西合龍山下○郡人張

若良詩一刹亭亭水石谿從來

披剝比丘尼金色任善提相貝葉聲翻梵語齊長髮還

宮身是幻尋花蝶路多迷何如靜裏求真諦明月孤峯

只向西城西三南陽守城東五安化寺

城東五十里馬汝城東剎俯山河飛梯繞薜蘿仁寒黃

鳥澁向晚白雲多城東開經藏三天落梵歌淨心窺浩劫

暮蘇奈碎何○負城東荒野探奇人化城天花春欲散徑

艸日初生山響連城東去川光湧塔行寥城東塵不染松桂樞

幽 清凉寺

城東五十里○郡人郝汝松記綬德城東五十里曰蒲堂川其上存左山有寺曰清凉寺創始

莫可考元至元間重修正統以來相繼葺葺遂為禪林上棲詳在馬文簡公記中隆慶改元僧玄

喟敞以其贊恢而新之同志真亮募緣助焉拮据營者數

歲迄今歲之秋告竣事時玄鶴郝子丁艱家君玄就介儒

者王雙池氏問記余少讀天竺書有所謂極樂世界阿彌

陀佛者國無三毒八難衆珍為飾無十纏九惱群聖為徒

水鳥林色色入慧服經受用種種現成名曰淨土而以

娑婆世界為穢以四惡趣苦因果牽纏淫斃邪魔侵惑煽

亂故也然世之究如來而泰達摩禮蓮嚴而誦楞伽者豈

數哉竟未能離塵入淨則以經城太堅信恨弗植故耳綠

是諸禪宗說無慮千大都云此以垢以苦以促以多魔惱

折之俾猷云彼以辭以樂以延以無退轉攝之使忻知猷

捨心知忻取心則今之三昧行人皆淨邦不逮之上吉矣

儒者異其言誼誣置弗信往文簡從子健庵氏鵬余于蒲

堂川之園雲橋上鬱琪樹羅森鳥鳴山幽水滌林布徘徊

覽眺疑非人境曰此非極樂國耶明日入城市則又沈沈

沈沈

禩界矣余不謂然心而朝則煙霞而朝心煙霞則而朝煙霞健庵讚余言爲法眼單傳更與泉石訂盟焉夫滿堂誠勝襲帝心者難居之矧大人幾微之介舜跖毫髮之間耶諸禪宗所稱亦有可具相通者余因玄就之請追憶昔與健庵語者漫書復焉健庵園距寺五里自其高大父暨乃父扼峯俱有大施於寺因感及之諸助緣姓名列之別方郝鴻圖曰古者先成民而後致力於神則民和而福降焉祈報由辟各有攸宜非此族也不在祀典故有國者必先壇廟郡邑亦如之墓重典也綏自戎馬生郊壇廟俱廢荆榛瓦礫禮祀幾無所矣

王公甫下車卽以治民事神爲亟先從事壇廟而諸祀亦次第就理可謂能盡祭之義者也豈無故而加典乎

新德州志  
卷之三  
噫野祭與嗟作泮稱頌匪直私頌以侈盛一時也世道  
之盛衰人心之邪正寔於此可睹矣

新德州志卷之三終

綏德州志卷之四

田賦第四

地畝明洪武年夏秋地一千二百六十頃  
永樂年夏秋地一千二百六十頃

一千一百八十頃宣德年夏秋地一千一百六十頃  
正統

九十四畝六分萬曆年夏地四百三十七頃  
五十八畝七分

年夏秋地一千一百六十頃  
秋地七百九十六頃  
糧六千二百

一斗一千八百七十一石  
秋地三百八十八畝  
糧六百六十

九石六斗九  
內除名佃減納糧六十三  
石零

國朝順治七十八年督撫具題奉旨免過荒地共  
九百四十頃五十二畝零應免折正本折糧七千八

十二百五斗八升零內前開墾過地一十八畝五分零應  
敵本折糧一石三斗又與屯墾過六十九頃五十一畝九

分零應徵本折糧四百八十三石六斗六升○實應免本色起運糧一千七百三十一石六斗二升五合零○實應免本色存留驛倉糧三百七十八石八斗九升零○實應免本色存留官學倉糧六百二十八石一斗一升零每石折銀六錢該除銀三百七十六兩八錢六分零○實應免折色糧三千九百三十石零該除銀五千六百二十九兩二錢六分零○實在地二百九十頃十六畝九釐零該本折糧一千四百七十九石五斗五升四合零○實徵本色起運糧三百八十八石三斗二升七合零○實徵本色存留驛倉糧六十九石四升零○實徵本色存留官學倉糧一百四十石八斗五升七合零該徵銀八十四兩五錢一分零○實徵折色糧八百八十一石三斗二升三合零該折徵銀一千二百六十二兩三錢九分零

按綬地峯崖委蛇田難以頃畝計農者但以牛力爲率自晨至午名一晌或从土作塢又曰一尋卽數晌不能常川原一二畝之入今載頃畝者以冊籍相承不敢異也○附萬曆初知州毛儲元除減疏畧據州民李天福

等告稱本州原額十里成弘以後陸續逃亡至嘉靖元年准併七里里雖歸併額地糧差尚未減除致累見在人戶包賠因而全戶逃移民困愈深矣况自隆慶以來久旱粟麥無收草根樹皮採食俱盡溝壑餓殍途蔽流移生靈危急未有甚于此時者也告乞除被災等因據此查得州民之所以逃者由于差之繁賦之重也蓋本州路當四分岔東通燕晉西經寧固南連關輔北達榆林視延屬州縣此爲最衝又本州拾夫由東路者歷義合西河青龍三驛直抵山西永寧往還入站奔走爲勞兼之里無全甲甲無全戶丁少于前差多于舊且州境極狹東西百餘里南北四十里山谷羅列半不可耕舟車阻絕商賈不通一遇凶荒束手待斃知之何不貧且逃也見今人戶不滿四里以四里之單弱應十里之差糧民安得不困乎及今恤之猶可善後而恤之道莫先于逃糧之減除也是減除之令一行不獨懷輯居民而招撫之策亦寓矣伏惟軫念邊鄙特加寬恤將逃戶所遺地糧有人承佃者起運每石折銀三錢五分存留每石減納五斗無人承佃者查明豁免永爲減折等情疏奏

下部謹覆永爲戒... 賴有減折以甦民困于是存者安適者復民胥利賴矣

戶口隋 戶三萬六千一十八 唐 戶一萬八千六百六十七 金 戶一萬二千七百二十 明洪武年

戶一千一百二十四 永樂年 戶一千二百六十 宣德年 戶

口一萬九千八百 正統年 戶一千二百八十 萬曆年 戶一千一

口二萬九千九百 口二萬九千九百 口二萬九千九百

口一萬四千 兵荒後除去亡絕外實在行差丁 四百七十

徵銀三錢四分六釐零 趙世勳舊志曰絳州古今殊時其風土未有改也漢以

前無可攷隋戶三萬唐金不能當三之一今又不能當 十之一時事可知矣

地丁二項并均條 其原額銀一萬二千二百四十九錢 分八釐六絲一忽三微五纖

內起運戶部 原額民運折色... 價共銀五千五百七十兩四錢四分二釐四

內起運戶部 原額民運折色... 價共銀五千五百七十兩四錢四分二釐四



毫一絲八忽三微五纖除荒照全書實徵銀一千一百四

十七兩八錢四分五釐九毫一絲八忽三微五纖順治十

三四五年開墾及清丈自首各省除荒案內丈禮部原額

首日新墾銀五百八十五兩二錢六釐三毫

并盤費銀一十七兩九錢除荒照全書實徵銀八兩七錢

一分六釐七毫順治十三四五年開墾并丈首及各省除

荒案內丈首出新墾工部原額軍器并故紙毛襖共銀一

銀三錢七分六毫

實徵銀五十一兩七錢三分九釐六毫順治十三四五年

開墾并清丈自首及各省除荒案內丈首出新墾銀二兩

一錢九分九釐八毫○匠

價銀三十九兩一錢五分

順治九年四月會議裁扣各役工食銀二百四十四兩四

錢除荒照全書實徵銀一百二十兩三錢四分五釐順治

十三四五年開墾自首新墾銀七兩四錢六分四釐六耗

○十二年裁扣傘扇銀八兩除荒照全書實徵銀三兩六

錢二分六毫又十三四五年開墾自首新墾銀二錢四分

四釐三毫○十四年裁扣官生俸廩等項銀三百二兩五

錢五分三釐三毫四絲除荒照全書實徵銀一百三十六  
 兩八錢八釐八毫又十三四五年開墾自首新墾銀九兩  
 二錢四分八毫○十五年裁汰冗員銀二百一十二兩四  
 錢四分除荒照全書實徵銀九十六兩六分一釐二毫五  
 絲又十三四五年開墾自首新墾銀六兩四錢八分八釐  
 五毫○實該存留銀五千六百六十四兩一錢三分二釐  
 六毫六絲除荒照全書實徵銀二千一百一十兩六分八  
 釐三毫順治十三四五年開墾自首新墾銀三百九兩四  
 錢七分三釐四毫五絲五忽一纖四塵六渺○外遇開加  
 銀一百七十兩八錢二分四釐八毫九絲六忽內九年裁  
 扣銀一十八兩七錢除荒照全書實徵銀八兩四錢五分  
 五釐七毫又十三四五年開墾自首新墾銀一兩七錢六  
 分六釐六毫八絲九忽一微○十四年裁扣銀一十八兩  
 一錢三分七釐一毫七絲除荒照全書實徵銀八兩二錢  
 一釐二毫又十三四五年開墾自首新墾銀一兩七錢一  
 分三釐四毫八絲七忽一微○十五年裁汰銀一十七兩  
 七錢三釐三毫三絲二忽除荒照全書實徵銀八兩五釐  
 四毫又十三四五年開墾自首新墾銀一兩六錢七分二

釐四毫三絲三忽七微○實該銀一百一十六兩二錢八分四釐厘三毫九絲四忽除荒實徵銀五十二兩五錢八分一釐九毫又十三四五年開墾自首新墾銀一十兩九錢八分五釐三毫四絲九忽四微

舊編完費裁剩解部銀

一百一十四兩七錢九分九釐六毫四絲三忽除荒照全書實徵銀

五十一兩九錢一分三毫九忽又十三四五年開墾自首新墾銀三兩五錢六釐三毫

原額起運本色糧

二千一百一十九石九斗五升二合六勺八抄八撮五圭除荒照全書實徵糧

三百八十八石三斗二升七合一勺三抄八撮五圭順治十三四五年開墾自首新墾糧二百四十一石五斗九升五合七勺三原額存留驛倉本色糧三百七十六石九斗三升六合六勺除荒

照全書實徵糧六十九石四升六合二勺順治十三四五年開墾自首新墾糧三十七石八斗六升八合一勺三抄五撮五圭二粟○以上起存各項載在額外課程銀一十全書增加開墾除荒徵熟各年不同額

二分一釐九毫六絲○遇閏加稅銀四兩內米糧行二兩  
銀一兩五錢一釐八毫三絲 諸羊行一兩半驢行

一 本州應協濟膚施縣額解本府廩生月糧裁扣充餉銀

九兩六錢除荒實徵并新墾該支府學廩生月糧銀四兩

銀二兩六錢四分五釐三毫 除荒實徵銀八錢七分九釐三毫五絲又新墾銀四錢八

分二釐二毫○遇閏加銀一兩二錢裁克兵餉銀八錢除

荒實徵銀二錢二毫一絲○該支銀四錢除荒實徵銀七

分三釐三毫又新墾銀四分一毫三絲○本州稅契銀八兩

本州經徵所屬米脂縣并綏德衛地方西川三眼泉原額

鹽鍋票稅銀二百六十六兩四錢除荒外舊實徵并新增銀二百一十三兩一錢二分

物產 菽粟蔬菜瓜果無他異種木惟榆柳樗槐棗杏白楊  
樹植者亦寥寥焉藥雖產地黃茸艸麻黃款冬甘遂

羌花茵陳柴胡荆芥薄荷知母車前子遠志防風大黃益  
母蒼耳木賊草麻兔絲黃芩苦參秦艽葶藶馬兜鈴等

在荒山榛莽中不能辨以採也鳥獸自家畜外爲雉爲鴿  
爲山鷄爲鶉爲鶻爲鴉爲鳩爲鸚爲燕雀爲鴟鴞爲訓狐  
爲狼爲狐爲狸爲兔爲黃鼯爲黃鼠花卉舊稱萱菊石竹  
薔薇芍藥葵蜀葵雞冠鳳仙粉團珍珠鬘粟牽牛茨梅玫  
瑰紅葉十樣錦之屬今則蔓  
艸寒煙所存不能二三矣

綏德衛屯地

五千六百九十

糧

一萬七千八

草

一萬七百八十二束

戶

五千三百四十三

口

五萬三千

趙世勛舊志曰衛地廣而差糧輕屯丁富者安逸老其  
身貧者亦能自立州民竊羨之然糧數大都相若而地  
之多寡奚啻什伯良以初時占地不均又田漁于兼併  
糧盡于飛詭而愚弱困矣吁此其弊豈一日之漸哉

郝鴻圖曰班固言國用饒給而民不益賦尙矣綏以  
彈丸地襍培塿則劣而田一歲之獲不能償所費也又

夏秋雨集兩川衝溢斯民之命寔與河伯共之是以按籍則有名履畝則無實在昔有然何論今日哉廼田賦庸調如通都巨邑例何耶

國朝御極

章皇帝允督撫大臣言蠲除之請天下綏民亦汔小康然人稀土滿雖維正之供亦艱矣悲夫賣絲糶穀之言始爲綏民賦乎

綏德州志卷之四終

綏德州志卷之五

郵傳第五

青陽驛

站銀原額一千六百八十三兩三錢零本州該本驛站支二項八百六十兩零除荒實徵一百五十

八兩三錢零外宜川協站支銀五百六十兩零除荒實徵

一百一十一兩四錢零洛川協站銀三百八十一兩八錢

零除荒實徵一百四十五兩零舊額實徵站支銀總計四

百一十四兩八錢零順治十三年因本驛路衝差繁舊額

不敷奉衝僻冊將新增本州驢頭餘銀四百七十九兩零

改協本驛外新舊二項實徵站支共八百九十四兩二錢

零內除洛川原協站銀摘撥二十四兩六錢零協義合

驛外酌定本驛見在實徵銀八百六十九兩五錢零

義合驛

站銀原額一千一百二十兩支直六十八兩本州該本驛站支二項八百一十七兩除荒實徵一百

五十兩四錢零洛川協本驛站銀一百三十三兩五錢零

除荒實徵五十兩七錢零安塞協站銀二百二十兩除荒

實徵二十五兩六錢零宜川協站支銀一十七兩四錢九分除荒實徵三兩四錢七分零十三年奉衝僻冊將新增洛川協青陽站銀撥二十四兩六錢零洛川協干谷站銀乙十五兩九錢零延長填夫站銀撥十六兩五錢九分零延長縣驢站銀四百九十六兩二錢四分零洛川協文安站銀撥一十四兩九錢零俱改協本驛其募夫原額吳堡協濟本州銀一十兩除荒實徵四兩二錢五分零改作本驛支直之用酌定本驛見在實徵銀八百六十二兩九錢零○此制雖因衝繁增協而二驛孔道以七里子遺供之日疲筋竭髓于鞭箠間尚不能少博顏色况協濟遠在數百里外逋欠甚多即兌給些須亦皆粗布毛氈以一抵十有名無實曷能有濟于順治十六年九月內 巡撫陝西都御史張 憲票為協濟有名無實等事奉

旨將天下驛站錢糧凡係協濟者俱抵本管州縣應解銀

兩以裨實用等因到州知州王元士申詳查得本州青陽

驛每年照衝僻冊載該工食草料支直銀八百六十九兩

五錢零義合驛該工食草料支直銀八百六十二兩九錢

零二驛共該銀一千七百三十二兩四錢零而二驛歲食



本州者止七百八十八兩有零其餘九百四十四兩零盡  
在宜川洛川安塞延長吳堡五縣協濟支用久已有名無  
實遵奉憲行通詳各部院府廳將五縣協濟二縣支銀  
兩抵解本州地畝九釐及民運折色而本州地方屬民  
運折色內應解者扣留為二驛工食等項支用之外蒙  
各部院批允如議自十七年為始子是後不若彼縣有實  
濟 皇仁加惠下逮窮簷而奉行之善舉耳實又在皇  
華矣其抵兌協濟款項列左○宜川縣協濟青陽驛照衝  
僻冊抵解本州地畝九釐銀一百一十一兩四錢三分六  
釐四毫三絲○洛川縣協濟青陽驛照衝僻冊抵解本州  
地畝九釐銀一百二十兩三錢八分二釐四毫二絲一忽  
七纖八塵○宜川縣協濟義合驛照衝僻冊抵解本州民  
運折色銀三兩四錢七分七釐三毫三絲○洛川縣協濟  
義合驛照衝僻冊抵解本州民運折色銀一百六十六兩  
二錢七分九釐三毫三絲四忽九微○安塞縣協濟義合  
驛照衝僻冊抵解本州民運折色銀二十五兩六錢五分  
二釐五毫四絲八忽八微○延長縣協濟義合驛照該縣  
全書抵解本州民運折色銀三百八十七兩九分八釐三

毫八絲三微○吳堡縣協濟義合驛照該縣欸冊抵解本  
州民運折色銀三兩三錢九分三釐三毫○除抵兌外有  
延長縣全書較衝僻冊不敷銀一百二十五兩七錢三分  
六釐六毫三絲九忽○吳堡縣欸冊較衝僻冊不敷銀八  
錢五分八釐一絲一忽七微○以上二縣不敷站支銀兩  
奉文未允抵兌扣存該縣徑解藩司○本州原額損驕夫  
銀七百六十三兩二錢除荒實徵三百四十二兩五錢一  
釐二毫三絲六忽九微二纖八塵衝僻冊酌量撥實徵銀  
數設夫三十二名一年通融支分○州馬原額馬騾并召  
募脚戶銀一千三百四十三兩除荒實徵銀六百二兩六  
錢九分八釐六絲一忽六微五纖二塵酌量銀四百七十  
九兩三錢六分八釐六絲一忽六微五纖二塵撥協青陽  
驛不敷銀裁剩實徵州驢草料銀一百二十三兩三錢三  
分

綏德衛與州同城同學

國初夫馬均應順治六年變後照延安衛與膚施縣四六  
應差例每月該備走遞一十二日至七年

改應九日十三年備人脫免俱州走遞十七年蒙 延安

府正堂牛 批據綏德州生員馬鼎新等呈為垂憐偏苦

以均驛站事蒙批州衛驛站不均前批該州確議僅以歸

併未定申報今士民紛紛控訴為民父母豈忍坐視仰速

速查明或宜照舊例或另為調停使軍民兩安不致偏苦

申明上臺永為定例等因到州知州王元士查得前蒙

本府批據馬鼎新等呈為蒙弁屢違新制偏苦州民事蒙

批仰州詳議妥確回報因歸併未定不便預為詳議使裁

併畫一均差均役尙多請定條例奚敢手正在去留間釐

贖 憲慮耶今衛已留又奉 憲批備查綏德州衛同城

同學驛站自是均應變亂之前卷宗燒燬業已無考始予

順治六年照延安衛與膚施縣例定為四六每月衛應十

二日州應十八日遵奉間至七年衛人猶以為累具詞

延綏撫院並未奉有減日之行而衛人竟居賦每月止應

九日矣因循成例無與爭持及十三年奉定衝併冊實行

官養前任任知州會文該衛領驢仍計三七給付催之再  
四該衛止以應協為辭乃潛赴 督院控告將未奉衝併  
冊前民間走遞站銀不徵驛驢民喫挾載額之數并奉衝

僻冊後佯推不領將每日喂過驢頭草料之需借口飾詞  
 假為可據竟不思十三年以前未餒之站銀從未到官十  
 三年以後奉冊之草料按日支給捏言脫卸賈禍他人蒙  
 督院馬 洞鑿前情置之不問又以銀在即可官養并九  
 日亦去之矣世仇根源端由于此見今未結案中雖謂不  
 耳歸併然而動稱盈百盈千皆此預伏之前詞耳若以同  
 城同學之州衛均耳分苦原有成例總屬應當伏乞垂憐  
 疲州子遺電察始末情由仍依舊例或照四六或照三七  
 着該衛領驢走遞按額支銀申請解庫承為遵守庶軍民  
 不致偏枯矣○又州衛世仇事該清湖縣會同本州會看  
 得驛遞額設站銀原以供額設夫驢日食之費絲毫不可  
 昌濫充時刻不可缺乏州衛奉餉僻以前與既奉衝僻  
 以後各有分定日期計日而算自有應得站銀天下奉  
 旨官養必領額設之驢夫始支額設之站銀此理法之一  
 定而不可易者衛協州遞先言二日減而九日自備驢夫  
 未領州銀固為持之有故但州屢移手李令衛領驢領銀  
 而衛俱不領止願自備手本見在則此十二日與九日夫  
 驢似在州喂養也為州計者勢不能使額設之驢夫悞腹

而活費在官養又不敢立視其斃故以額設之工料養額設之夫驢按月計日支領可憑詢劄國輔王得壽之口供與狀詞亦鑿鑿有理卽質審之際朱自友趙中揚等亦自悔不領夫驢站銀之錯與情願自備之愚况三千八百兩自二年至九年其中變亂相仍有無應過有無徵收數之多寡總無的據而必執此以爲釁端此不待訊而知其爲仇挾者也至于侵吞在州庫銀更駭聽聞據朱自友等之口供卽在三千八百兩之內各縣協濟者及關係何縣協濟每縣若干何年月日以在庫之銀侵吞若此之多而又供支等係衛人不能備知旣不能備知何所據而妄相控讞也且備查節年支解卷簿與經制由單並無短少舛錯則所告明屬子虛法當反坐但念衛協州遞有年未領站銀情屬可憫似應免議○又州衛世仇萬難歸併等事該本州覆看得世仇一案奉批非一二衙門回詳非三兩招案延年累歲奉憲臺再四推求者皆由于侵吞二字無着落耳然侵吞之說出于衛屯之口自不難一一供出其經手之原人與始末之詳悉胡乃止以衛民不知州事爲詞旣云不知何以具告夫不告于驛差協濟之日又不告

于裁去協濟之時一旦因歸衙而謂世仇萬難歸併侵吞  
 庫銀似難以不知州事數字免誣告之罪者也總之不領  
 銀驢伴稱願協者伏奸于始萬難歸併侵吞庫銀者逞智  
 于今以不領銀驢言之已蒙 前道臺委看云衛屯不領  
 官驢之心恐一領則三七走差竟為久遠難變之例是以  
 止借協濟二字先為後日脫卸地州民竟受其愚而不覺  
 也即此數語已道破衛人之術矣以誣告侵吞言之已蒙  
 前道臺委看云該州錢糧奏銷起存各有款項久百之銀  
 從何處侵吞乎推其心不過借此大題目以聳動 本部  
 院之聽聞耳即此數語已案定衛人之條矣再以矯憲批  
 奸避驛差言之已蒙 本府理刑荆詳看云當日 董撫  
 臺三七之議原灼見州民驛造之苦不使苑枯偏受故遵  
 行有年而 馬督臺所以議裁者將協濟之銀裁去蓋由  
 明官養之說非于州之走遞議設衛之走遞則議裁也即  
 此數語益足明衛人之巧矣至于驢不能不飼走差夫不  
 能枵腹應役衛雖埋機願協而草料工食州未嘗一日不  
 支頌也此歷蒙府廳詳看不啻吞敝穎秃矣若止就朱自  
 友等不知州事之稱而必究侵吞著落此畢世不結之局

也業蒙 憲臺看云據自友等一偏之口擬得壽以侵欺

得壽不受也蒙此一言已震破衛人之胆矣今奉 憲批

行州據實詳覆云云○又查得青陽驛站支銀兩自九年

起十四年春夏季止俱照舊額設驢按驢設夫計日設草

料計名設工食草料銀隨驢支給工食銀隨夫支給本驛

額設驢三十頭喂驢夫十名送夫四名馬牌子一名凡

草料工食銀兩俱有領狀在卷在本州庫領者每年齎領

銷算俱用印信領狀在各縣協濟者銷算屬于各縣領狀

不用印信此歷來舊例也未奉衝僻冊以先銀不開徵民

間走逃既奉衝僻冊以後雖備不領驢而草料夫役仍照

舊額驢不能不飼而走差夫不能枵腹而應後此不惟不

敢洵情漏報而亦無容徇情漏報者也至于支直銀兩州

衛各有款項州支州應衛支衛應若以青陽驛支直與衛

合算則衛人先年於均徭內每月領九日支直之銀作何

開銷此非卑職任內之事亦不敢代人受過而為徇情漏

報者也○十七年十二月內蒙 巡撫延綏部院張 批  
據本州申詳蒙批該衛就輕避重委屬奸頑但州衛同城  
差徭似應若樂相均本部院久欲分派因道詳未至耳今

該州廉明方正宜爲酌派詳報以便批行蒙此遵照 憲  
批查歷來州衛同城同學之由蓋緣衛人以前朝武功世  
襲據膏腴之地擁專制之民田無糧人無差居然以子弟  
占州庠之中州人亦莫可如何然究其止稱綏德州儒學  
不顯衛字者則當年矇矓成例奪廩貢占額數亦猶今日  
之不領銀驢陽稱頽協陰入循環及奉 前督院馬 裁  
去協濟之銀申明官養之說並未云州走遞則設衛走遞  
則裁乃竟矯憲批以脫卸三七之差者也自 皇朝定鼎  
中外一家衛人已無修邊防邊之事州人獨走青陽義合  
兩驛之差莫非王士莫非王民以同城同學論之卽分一  
驛與衛人情理亦爲允當其止均走青陽驛差者亦以天  
下衛所改軍爲民雖衛人久習便安深惡走遞一事正因  
同城同學衛人十倍于州委屬袖手不得之故耳繼以四  
六再以三七始則埋機伏智終則仍不走差再查減四六  
者援延安衛之與膚施縣例也減三七者奉 前院董  
憲批也不走遞者借 前督院申飭官養而脫卸也于驛  
差則避之如仇于考試則無遠不至其所謂上三屯者至  
矣其所謂附近各邊堡者亦無不至矣宜州人有不平之



控也今蒙憲批同城同學差徭似應苦樂相均卑職因  
係州官雖蒙憲批不取擅派遵將州衛驛差均應西夫  
三七始末詳報恭候憲示恪爲遵守云云○後蒙詳允  
自十八年始每月衛分走遞九日其草料等銀按日在州  
領支

郝鴻圖曰綏德邊郡也民困路衝視他郡邑爲最羽檄  
之交馳皇華之戾止日無寧晷僕費亦良難哉明天啟  
中 洵陽盧公酌議抵兌綏民德之俎豆不衰今

王公復有此舉以綏賦食綏民誠便且利諸民協濟始  
爲實用矣雖然時歷二代年逾三紀實心郵民者僅

兩公綏民之困可知矣尤可嘆者以同城之人一言及

經德州志 卷之三  
此輒不難以世仇目之何綏民之重不幸也嗚呼生同  
井里誼爲甥舅而世仇焉何哉敦嫺睦均苑枯於不幸  
之中求幸焉是所願也

綏德州志卷之五終

綏德州志卷之六

宦秩第六

綏德自秦漢開疆世為重地守牧鎮巡著績茲土考之往牒蹟有可稽不敢傳會以自誣也而詳畧不同則史闕文之例云

以兵鎮禦及有戰功者

**秦蒙恬**

始皇三十三年恬為內史收河南地為四十四縣三

十七年始皇崩于沙丘趙高李斯謀立胡亥為太子遣使者以罪賜公子扶蘇蒙恬死扶蘇已死蒙恬疑而復請之使者以蒙恬屬吏更置胡亥以李斯會人為護軍使者還報胡亥聞扶蘇已死即欲釋恬趙高恐蒙氏復貴而用事欲滅之乃殺蒙毅又遣使者之陽周令蒙恬曰卿之過多矣而卿弟教有大罪法及內史恬曰自吾先人及至子孫

績功信于秦三世矣今臣將兵三十餘萬身雖囚繫其勢  
足以倍畔自知必死而守義者不敢辱先人之教以不忘  
先王也昔周成王初立未離襁褓周公旦負王以朝卒定  
天下及成王有病甚殆公且自揃其爪以沈于河曰王未  
有識是且執事有罪殃且受其不祥乃書而藏之記府可  
謂信矣及王能治國有賊臣言周公旦欲爲亂久矣王若  
不備必有大事王乃大怒周公旦走而奔于楚成王觀于  
記府得周公旦沈書乃流涕曰孰謂周公旦欲爲亂乎殺  
言之者而反周公旦故周書曰必參而伍之今恬之宗世  
無二心而事卒如此是必孽臣逆亂內陵之道也夫成王  
失而復振則卒昌桀殺闔龍逢紂殺王子比干而不悔則  
身死國亡臣故曰還可振而諫可覺也察於參伍上聖之  
法也凡臣之言非以求免于咎也將以諫而死願陛下爲  
萬民思從道也使者曰臣受詔行法于將軍不敢以將軍  
言聞于上也蒙恬喟然太息曰我何罪于天無過而死乎  
良久徐曰恬罪固當死矣起臨洮屬之遼東城塹萬餘里  
此其中不能無絕地脈哉此

乃恬之罪也乃吞藥自殺

**漢**

**盧**

**卿**

文帝十四年邊警拜卿爲將軍禦之

**後周** 宇文盛 為延州總管時殺德等部與蒲川別帥郝三

郁等欲激襲盛軍 即等類年逆命天和二年盛舉衆城銀州白

盛遂并... 斬之 **隋** 屈突通 其先昌黎徒河人後家長安

安定人劉迦論反衆十餘萬據雕陰... 關中兵擊之初

不與戰軍中意其怯通陽言旋師而... 入上郡賊未之覺

引而南去通七十里舍分兵徇地... 候其無備夜簡精甲

襲破之斬迦論并首級萬餘... 於上郡南山俘老弱

數萬 **唐** 程務挺 綏州白鉄余作亂... 王方翼 高宗弘

口 綏州部落稽白鉄余作 **段秀實** 祿山之反上皇至巴西命

亂稱帝遣方翼討平之 節度副使李嗣業將兵赴

行在嗣業與節度使梁宰謀且綏師以觀變... 德府兵折

衝段秀實讓嗣業曰豈有君父告急而臣子晏然不赴者

乎特進嘗自謂大丈夫今日視之乃兒女子耳嗣業大慚

即白宰發兵以秀實 **將之誥** 行在後朱泚之反秀實

唾賊笏擊泚首 **韓全義** 順宗時為夏 **阿跌光顏** 元和元年

血流被面被害 **綏節度使** 夏殺屈後

綏節度使

夏殺屈後

楊惠琳拒命後周劉雄字猛雀臨洮人也宋孫全昭淳化五年

光顏討斬之為緜州總檢破賊

全照率兵與李繼隆曲珍為緜德城監押提石霸擒趙保

克綏州因城守之孤軍拒羌斬其帥

守綏慕興為緜州高遵裕種諤取緜州得種諤世衡之子

州路部署

名山部落在緜州其弟夷山降諤使人因夷山以誘名山

賂以金盡名山小吏李文喜受之許降而名山未之知也

諤即以聞不待報悉起所部兵長驅而進圍其帳名山驚

文喜因出所受金孟示之名山大哭舉衆從諤而南得首

領三百戶萬五千兵萬人遂城緜州延帥陸誥韓琦時種

劾諤擅興不稟節制遂徙秦州未幾復其官

受嵬名山降夏主諒祚乃詐為會誘知保安軍楊定等殺

之邊蠻復起朝議以諤生事欲棄綏誅諤陝西宣撫趙鼎

言夏人既殺王官又棄綏不守示弱已甚且名山舉族來

歸當何以處又移書執政請存綏以張兵勢規度大理河

川建堡畫稼穡之地三十里以處降者不從乃命琦翔永

興軍經畧陝西琦初言綏不當取及定等被殺復言綏不

可棄樞密以初議詰之琦具論其故卒存綬趙嵩夏人欲州言者交論種諤乃下吏貶四官安置臈州

安遠二寨來易綬州尚僉夏使高曰二寨之北舊

有三十六堡且以長城橫為界西平王祥符所移書固在

也夏使驚不能對乃寢折繼世刺史惟中之子少從軍為

其請餘見韓琦條內延州東路巡檢崑名山內

附繼世先知之遣其子克勤往報種諤用是取綬州繼世

步騎一萬軍于懷寧堡入晉祠谷往銀川分名山之衆萬

百十戶居于大理河夏人來攻再戰皆捷郭達字仲通以

及諤以罪繫獄以兵付之而行遂守綬軍功累遷

宣徽南院使時種諤取綬州朝論以邊釁欲棄綬達以為

不可既而夏人以二寨來易朝廷欲許之達竟不許初詔

焚棄綬德匿而不下帝問大臣皆莫知達始自劾向者違

匿詔旨之罪帝手詔褒答加達檢校太尉雄武軍留後

李浦元豐二年夏人自蒲堂川金宴室降綬德軍及靖邊

入大會坪李浦等逐之懷遠等城

汪世顯天禧三年元孔興至正末以明湯和洪武初以申

帥綬德州平章守綬山侯防禦

傅友德 洪武中以穎川侯防邊 馬溥 洪武十八年守綏德 王禎 邳州人鎮

守延慶敢勇有謀畧 以憲臣叅贊軍務 **明** 章聰 金華人 以馬素 唐縣人

御史曹璉 永興人 景泰六年以大理左少督修城堡者陳

其學 登州人 端嚴正直聲律身度 劉尙義 汾州人 鑿官趙

紳 清河人 **歷朝守牧** 漢太守李廣 隴西人 為邸杜 馮野王

馮立 字聖卿 通春秋為上郡太守 治行與兄野王相似 民

惠吏民政如魯衛德化均周 劉良 成帝建始元年 故河間

公康叔猶二君俱祀名宦 王弟為上郡庫令 **晉** 韋籍 愍帝四年 為刺史 **隋** 于紹 **唐** 元寶琳 劉大俱

高祖七年突厥寇綏 州刺史劉大俱敗之 陳挺 陸元方 薛直 韋福



郭敬之 馬縉五代唐明宗時 **宋**孫靖宣和中 **金**刺史木

甲臣嘉 秦守正

**明**知州仇敬曲沃人政務 張進 李誠以上洪 楊康

郭雄以上永 邵盤 賀彬以上正 楊節 張軾忻州人宣

良方正約己愛民上下頌服 李經祁州人 郝清陽曲人 劉浩湖

舉人張瑞安州人 楊巽蓬萊人 洪平內江人 盧冕洪洞人 王倬平

舉人以上 王鑾均州人 楊捷朔州人 喬震定襄人 郭寅文水人 吳棟

弘治年 東安進士張鸞騰驤衛人門無私請 王大節大名舉人慈

但正德年 恤民祀張鶴大興人 韓文卿襄陽歲貢嚴明 侯九圍河間人

名宦 能斷不畏強禦

李鳳吟 武強舉人 張佳第 固安舉人 王潤 長治舉人 靳東齊 順義舉人行

神明課士如師保民若毋被咎感德詐偽 熊祚 滋陽舉人 劉相 獻誠蒞官九年歸家至不能度日祀名官

三河舉人精明任術軍 田惠 安州舉人 袁思忠 齊東舉人 王學孟 安平

民畏之以上嘉靖年 舉人毛儲元 常德舉人有吏才民不敢欺以上隆慶年 馬雲鴻 大城歲貢 劉希孔 潞安舉人

葛登應 渾源恩貢 田世業 寧遠舉人 張大綸 定州舉人 張可立 汶川選貢 韋守

仁 上元舉人 田足國 霍丘舉人 馬行健 大寧選貢 盧塔 鄭州舉人 黎阜 寧

舉人蔡邦儒 江陵貢士 辛思明 武強舉人 盧文竹 三河舉人 王慶

遠 臨邑恩貢 梁之楨 劍州舉人 周士奇 鄖陽選貢 楊承誨 磁州選貢

李時蔚 固始舉人 伍中愷 湖廣舉人 崇禎年

同知劉贊正統年費旺天順年石廉章啟順天進士以上成化年王嵩

李安張宇以上弘治年譚子繼四川人楊崇慶張熊秦璣

李全河南人張聰趙錢趙永祿徐州人趙銓李承

恩武定人以上嘉靖年任六年裁

判官胡諒錢徵以上洪武年趙璉龔遜魏京四川人任哲

馮金谷英以上正統年蔡臻李均永新進士胡高馬駟

張永通交城監生王懷以上成化年石琦馮銳以上弘治年趙永爵瀘州

人錢宏王經四川人丁鉞河曲監生韓溥繁峙監生張崇翔天台

人張繼儒懷慶監生張永茂浮山人多奇政民不敢欺亦不能欺且躬自節約服食不殊寒素加

意窮民修舉廢墜石  
古循良風祀名宦  
陳灝 東昌監生  
申翰 永年監生  
李堯年 渾源州監生

買九疇 平陰監生  
傅夢錦 臨海監生  
崔文富 潞城監生  
魏紹祖  
洪德 大同

監生劉銳 淄川監生  
周濟川 金鄉監生持體正大為政寬平  
李季先 屯留監生以上

隆慶薛廷珍 芮城監生  
陳竺 慈谿人  
陳世曉 通州監生  
張淑 定興人  
韓武

靈山蘇世霖 永年人  
梁正道 江津人  
李珏 靈丘人  
王君佩 盧氏人

董惟精 南召人  
吳尙忠 山陰人  
賀得春 旌德人  
王世寧 永清人  
朱節

巴陵王大觀 當塗人  
姜夢芝 樂安人  
曾明邦 咸寧人俱萬曆年  
王象奎

新城施魁 烏程人俱天啟年  
張進善 臨汾人  
孫繩武 卽墨人  
段錦

鄭鼎 灤州人以崇禎年

吏目賈從善

洪武年

焦興

永樂年

王貴

陽曲人 景泰年

胡節

天順年

王誥

趙簡

成化年

高明

弘治年

程經

王璋

白珩

石州人 正德年

張文卿

蘄州人

馬健

永樂人

張祺

洪洞人

李振

諸城人

閻學詩

高平人

武銳

蔚州人

郭邦靖

汾西人

耿柏

蔚州人 上嘉靖年

潘改

懷仁人

王徵

懷仁人

人以上

劉思蓮

渾源人

薛大年

杞縣人

楊孝

王汝春

真定人

王尙思

宣府人

劉嘉謨

昌黎人

張世祿

河津人

李繼松

絳縣人

梁鸞

清苑人

蕭廷御

新野人

白應麒

威縣人

馬從善

湖廣人

劉美俗

灤州人

陳以顯

海澄人 上萬曆年

劉興詩

祥符人

楊適芳

蒲州人 天啟年

王丸州

房山人 賊死節

馬呈文

東明人

張鴻猷

李良弼

順天人 上崇禎年

國朝

知州

杜履端

海豐人貢士順治二年任陞真定府同知

李悅安

高密人貢士順治四年任

張若愚

清苑人貢士順治六年任陞保定府同知

佟國璽

撫順人貢士順治十年任陞保定府知府

王元士

編州人貢士順治十六年任

李名新

生康熙二年

判官

劉弘祚

保定人貢士 順治二年任 熊兆呂 黃州人 順治五年任 高直 元氏人 順治七年任

陸遂寧

趙祚 儀封人貢士 順治九年任 余延基 交河人貢士 順治十一年任 陸南 城兵馬指揮

知縣

順治十六年裁後綏德衛併入本州復設駐榆林經徵屯

糧徐得寵 浙江人貢士 順治十七年任 駐榆林 隨裁

吏目

李應奎

山陰人 順治二年任 王履泰 大興人 順治九年任 陞山西按察司檢校

朱懋嘉

會稽人 順治十四年任





**明儒學** 學正侯振 崔蒞 郭咳以上洪武年 許通幸縣人 鄭立

三河人 以閻福壽陽人 胡本淳真定舉人 王延成化年 劉訊

上正統年 汾州人 趙昱以上弘治年 武威安陽人 劉寅陽信人 張世鄉平定州人

武琦榮河人 鄭銑四川人 焦通南和人 劉廷瑞懷柔人 魏希韓

遂平人 以李孟春阜平人 李著商城人 郭維隆 汪上隆慶年

育鯨 雷動涇陽人 元阡臨洮人 劉養氣高陵人 曹可仕

長武人 馬高崇信人 賧自傑洛南人 以上崇禎年

訓道郝惟本州人 諸正永樂年 丁琰曲沃人 溫志學壽陽人

席寧 高原 邊瑤以上天順年 楊盛漳川人 蔡壽春蓬州人 杜銓

劉興福 朱本善 威遠人 彭萬里 四川舉人 以上成化年 王廷 原武縣人

郭錫 夏縣人 李絨 靜樂人 馬玉 朔州人 郭廷秀 嵐縣人 牛繪 和順人 正德年

耿文 壽陽人 馮廷震 平定人 上官繼 沔池人 張越 應化人 魏宣 良鄉人

崔淮 高平人 張文蔚 太谷人 原景和 河內人 苦却東 王介 青神人

楊時中 安丘人 張潢 任丘人 以上嘉靖年 李好問 論社人 張鱗 壽陽人 清心寡欲博

極群書崇禮好義 為多士儒記名宦 尹一聘 隴州人 趙九原 永年人 郭雲鳳 交城人

趙致和 文水人 謝綸 潼關人 張希哲 臨汾人 葉桓 長治人 高鎧 保德人

趙孝祖 齊東人 李芝 景州人 徐珮鳴 尙良相 山丹人 何其昌 合水人

人萬曆 高傑 邠州人 尹玘 靜樂人 白訓 山丹人 韓廷鉞 蒲州人 以上崇禎年

國朝學正

陳九德

韓城舉人順治四年任陞壽昌知縣

李若珠

商南人順治十年任陞善

化知縣

賈恂

永壽人順治十六年任

訓導宣鳳麟寧夏人順治三年任陰坤生富平人順治四年任陞萊蕪知縣常應捷

同州人順治十年任陞秦州學正 丁僕慶陽人順治十一年任陞興安學正王興醴泉人順治十五年

任十六年裁

明綏德衛掌印指揮傅貴 馬興 吳信以上宣德年 吳鑑正統年

年 吳瑞景泰年 李懋 竇泉俱天順年 蔡深 竇聰 吳江俱成化年

戴欽 周昇俱弘治年 高時 朱珊俱正德年 房聰 彭械 張譽

劉春 傅鍾 鄭東 瞿輝 胡楨 文王 瞿塘

魏傑 葉承光 傅桐 鄭維純 李東 文徵 史臣

許汝繼 王汝謙以上俱嘉靖年 孟一陽 馬光祖俱隆慶年 魏童光

周思 劉有容 劉有餘 劉熊 崔崇胤 蔡之英

孫高璘 秦祥王 王昌祚 俱萬曆年 安九鼎 馬瑞圖 俱天啟年

劉光國 李向瀛 鍾萬祿 葉顯忠 于樸 俱崇禎年

國朝掌印守備賈勳 磁州人 梅鳳翔 宣城人 王標 撫寧人

李斐 曲周人 武進士 以上俱順治年

經歷王維旌 黃縣人 通判改授順治年任

郝鴻圖曰漢孝宣厲精爲治于刺史守相初拜時輒親  
見問觀其所由必知其所以然譬曰庶民所以安田里  
而無嘆息愁恨之心者政平訟理也故二千石有治理  
効輒以璽書勉厲增秩賜金或爵至關內侯公卿闕則  
以次用之故言循吏者漢爲盛後世莫及也綏之守牧  
代有名人其功德在民有遺愛餘思者衆矣故直書其  
名而聽毀譽於直道之民心焉亦君邦不非大夫義乎

綏德州志卷之六終

綏德州志卷之七

人物第七

山川間氣實生偉人史傳所記及在人耳目者尙可述也志之以見仰止之慙且使後之作者得以論次焉

理學明馬汝驥

字仲房別號西玄正德丁丑進士官編修爲人沈毅有大節武宗欲南狩汝驥有劾罪

之汝驥抗疏極論上怒詔跪五日又杖之調知汝驥有遺

愛世宗卽位復編修歷禮部侍郎清操益堅考文謹厚談

學娓娓不倦天下宗之卒于官勅有司營墓贈卹書諡文

肅汝驥博洽能詩世稱其才吳郡王世貞評其詩有甲使

雄整斥疾精嚴之語著西玄集馬文簡公全集行世天水

湖續宗華州王維善爲之序楊慎諸名家所選尤多鄧元

錫編入明郝汝驥字茂甫別號玄鶴弱冠博綜載籍爲武

書文學傳進方山薛先生應旂所賞每比之其鄉

主百穀焉領嘉靖乙卯鄉薦數年父光卒哀毀過禮舉進士以祖思濫之命勅文也欲陳情為終養計思濫強之始就官為潼川守

荆州知府擢按察使其備州歸卜居疏屬山下覃心理學聚書教萬卷其間不以他務攪心而念綏民苦役條議鞭役

崇祀學宮不累其論著名假我

**忠烈** **宋** **高永能** 字君舉善 騎射補殿

侍稍選供奉官神誘取綏州發永能兵六千先驅入羅兀五戰皆捷轉俱備庫副使治綏德城關地四千頃增戶三百即知城事元豐初為鄜延都監破夏人有功進榮州團練使永樂之嘗為大將永能請去陣擊之徐請不聽城既陷其孫昌裔欲救之聞走出走永能嘆曰吾孫與西羌戰未嘗挫二年已七十

死詔贈房州觀察使

為忠州刺史諸孫皆侍

直

**廷傑** 若二進士

癸未為延綏撫標彖

賊不屈偽將支解之事

治二年



正志疏請旌褒是時其從弟延貞節明高俊妻李氏奉旨旌表

建貞郝郁妻陳氏建文中郎卒陳氏年二十餘守志撫孤旌表

烈坊不盡禮正統五年詔旌其門建貞馬義妻劉氏奉旨旌表

節坊節坊復二子文智文廣徭終身馬義妻劉氏建貞節坊

孫榮妻李氏 馬文熙妻胡氏 紀文娘妻王氏孝子紀紹堯

馬光祚妻文氏 王雲標妻鍾氏俱申請旌表 勲業唐張平高

為隋鷹揚校尉成太原唐公兵起遂餽宋李浩字直夫務學通兵法

以父定廢從軍破儂智高嘗著安邊策神宗召對令管麟府兵馬擢引進副使熙河鈐轄李憲討羌浩將右軍輕騎

突敵帳俘其帥遷東上閣門使為副總管知河州洮西五路大舉浩將前軍復蘭州遷隴州防禦使知蘭州哲宗即

副都總管再知蘭州卒贈安化軍留後 趙鎮仕夏歷左屯衛大將

軍夏人敬畏之鎮以鄉族為念率本部千餘戶歸宋是時夏兵憑陵宋以為患見鎮歸甚喜將用之鎮曰吾自異境

涉艱險還故鄉得拜墳墓訪親舊

足矣稱病不出子勅勸俱有邊功

人歷雄縣宛平知縣陞守平度正直不回操守清潔居鄉

服官人無間言正德中流賊克斥山東郡邑所過無不殘

滅守令束手無策子堅選士練兵畫策堅守賊至城下人

人自危而子堅瞻氣益壯舉止自若賊相顧謂曰雷公不

可犯也遂遁後以抗論將帥失利忤當道意落職臨行止

存白金五十兩印封貯庫以備採荒歸家一貧壁立亦無

怨言平度人立

廟歲時祀之

持敝衣蔬食恬如也歷常州同知工

刑二部郎中當時有清白吏之稱

以名御史振敬中外後巡撫宣府有奇捷蒙上

褒異雖居鄉亦整肅威儀有古莊介之遺風焉

號躍寰光宗特改耀寰登萬曆丙辰進士讀禮服闋

之陞秩大哩評事多所平反此蜀試正文體後權關九江

**清正** **雷一堅** 成化十  
六年舉

**端介** **明** **孫錦** 嘉靖丙  
戌進士

**醇謹** **明** **馬**

裁加耗之稅稍有羨餘俱克正項支用守吉安而吉安化  
了內艱起補大名治無異吉安也分巡冀寧寇不敢犯驛  
傳荆楚時募榆兵之悍者直擣流寇寇驚遁攝廉憲則抑  
奔競崇恬靜不法者望風而靡其居官槩如此故所在有  
名宦稱若居鄉則孝文嫺睦人所矜式于家每勸士友以  
勤講習賑貧急公其所惓惓者助城守建考場捐數百金  
無恡教子若孫如處子家僕無囂譁于里中鄉人曰我明  
文簡後疏屬之郝諱汝松者有功于士民舉鄉賢束果迄  
今過其墟墓者咨嗟有遺憾而最良如公其急請于上官  
勿憚煩劇不則復亦遺悔如昨于時數請于官務得俎豆  
以表 **文苑** **明** **王訓賢** 嘉靖十六年舉人趙城 **趙世勛** 辛未進士  
**榮焉** 令工詩著雲溪吟稿

官行人給事中

**張若良**

字伯含號樊桐萬曆丙午舉人歷榮澤完縣令知安樂州穎悟有才

萬曆間修州志

識詩文下筆立就尤篤盡孝友敦睦恬靜言動循禮著強應別業及諸詩文稿

**隱逸** **明** **城東老圃**

郴陽曹埏城東遇老圃記景泰丙子三月既望養浩子致暇出游綏城之東遇一老叟曳杖而歌曰治吾圃兮

畦樂吾天兮何厭乎黃齏我思古人公飯疏仲尼囂囂有  
無飲自得之意西莊節問曰子無乃抱道而隱于老圃者  
與誠言其所爲何如叟曰吾誠綏之老圃也生平不慕富  
貴足迹不履城市自勿習圃之業治半畝之地爲十數畦  
隨土之宜襟蒔蔥韭蘿芥之類蔓菁瓜瓠之屬日巡行畦  
間視有蟲害吾蔬者捕之有草藪吾蔬者鋤之小者灌之  
老者培之務使吾蔬得以遂其長養之天也然業是圃也  
非專以自給有欲取者聽而不拒唯不得傷吾蔬之本耳  
吾之所爲如斯而已矣養浩子聞之嘆曰是人也蓋與吾  
法司鉏奸宄扶善良事雖殊而理則一焉若使出而居長  
民者之位推是治圃之事以治民則何患吾民之不得其  
所哉欲詢其姓名薦諸朝而用之彼乃飄飄然長往而不  
答吾亦望望然追之而不可得又自嘆欲從之而義有不  
可歸而悵悵不已而念茲老圃之事足以激薄俗裨世教  
不可以泯故援筆記之

**流寓晉重耳**

晉僖公五年晉驪姬殺太子申生公子重

耳奔翟註云**秦扶蘇**秦始皇帝三十五年坑諸生于咸陽  
長子扶蘇諫曰天下初定遠方黔首

翟卽上邽

未集諸生誦法孔子今上皆重法繩之臣恐天下不安唯  
上察之始皇怒使扶蘇北監蒙恬軍于上郡三十七年十  
月始皇帝東巡左丞相李斯從少子胡亥最愛請從上許  
之七月崩于沙丘秘不發喪趙高欲矯詔立胡亥為太子  
乃見李斯曰上賜長子書及符璽皆在胡亥所定太子在  
君侯與高之口耳事將何如斯曰安得亡國之言此非人  
臣所當議也高曰君侯才能智慮功高無怨長子信之孰  
與蒙恬長子卽位必用蒙恬為丞相君侯終不懷通侯之  
印歸鄉里明矣胡亥慈仁篤厚可為嗣願君侯審計而定  
之斯以為然乃相與矯詔立胡亥為太子更為書賜扶蘇  
數以不能立功數上書誹謗怨望而蒙恬不矯正皆賜死  
扶蘇發書泣欲自殺恬曰陛下使臣將兵三十萬衆守邊  
公子為監此天下重任也今一使者來安知其非詐復請  
而死未暮也使者數趣之扶蘇為人仁謂蒙恬曰父而賜  
子死尚安復

**唐羅虬**

寓離陰有比紅兒詩姓氏常傳尺五  
天芳名占斷百花鮮馬嵬好笑當時

請卽自殺

事虛賺明皇幸蜀川○能將一笑使人迷花艷何  
須上大堤疏屬便通巫峽路洛川真是武陵谿

**明王瓊**

太原人嘉靖初以吏部尚書謫戍綏德七年起用劉忠贊其像曰浩氣嶙峋正笏垂紳功高發躡道在經綸韓歐接軌濂洛知津神童

蜚譽邈矣其倫

郝鴻圖曰古人以德功言稱三不朽每讀紀載未嘗不有慕乎其人也古今以德業文章名者不能更僕數綏何足云十室必有忠信綏又何不足云故始理學迄流寓行事具載篇中綏人自有定論若隱逸之有城東老圃則滄浪漁父類也

綏德州志卷之八

選舉第八

里選制廢歷代取士各殊明則專以制義為鄉會曰科  
庠序曰貢綏自洪永迄今科貢不之士之薦選以萃國庇  
民者亦云多矣故記之以誌盛焉其由武功顯者附後

**科明** **永樂** 三年趙勗壬辰進士歷翰林院編修 六年蘇屏

官刑部 九年馮暉官河內縣丞 十八年梁顯官鴻臚寺序班 二十年郝

銑官魯山知縣以子淵之贈御史 **正統** 六年白仲賢歷官御史鎮江府知府封父世全御史

劉玘壬戌進士成都府知府封父勝主事 九年郝淵之乙丑進士歷官御史山西布政司叅政

紀璿官克州府同知十二年孫泰歷官御史山西按察司僉事贈父恣御史景泰四年

蔡麟戊寅進士歷官西按察司僉事蘇章官寧鄉訓導天順六年李海官兵部司

務成化元年紀溫歷官大理寺少卿郝本歷官禮部員外七年劉濬官新安知

縣郝杰官平陽府推官十年郝輔官漢陽府通判十六年雷子堅歷官平

山東名宦 祀鄉賢 十九年鍾澄官孝義知縣弘治十四年馬福官霑化知縣

正德二年馬馴官順德府通判五年馬汝驥驄子丁丑進士歷官

修侍讀祭酒通政禮部右侍郎贈尚書謚文簡祀鄉賢 郝榛官鄒平知縣白鉉官黃州府通判八

年孫錦丙戌進士歷巡撫宣府僉都御史鄉賢十一年王世臣

靖四年馬雲鵬官海寧知縣李天賜官保定府通判十年關傳 麻濟



邦庚戌進士

盧氏知縣

十三年高機

十六年王訓賢

趙城知縣 二十八

年張翰

三十四年郝汝松

戊辰進士歷官霸州兵備山東按察司副使贈父廩生光

奉政大夫趙世勛

辛未進士官兵科給事申進父百戶真階承信校尉

四十年侯職

鄒平

知縣馬于乾

以子御丙贈承德郎

隆慶元年任國相

亞魁遼州知州

閻鉉張

樹德

翰子壽陽知縣

王毓陽

訓賢子經冠甲戌進士歷官工科給事申開元參政

萬曆四年

馬以乾

以子御旦贈文林郎

張在石

武鄉知縣

七年文禮

歷官河間府推官廣德州知州

閻士選

傅孫經魁庚辰會魁歷官山西參政

十年馬御丙

于乾子歷官漢陽府知府

十三

年閻士聰

傅孫

十九年方升

良輔子官孟縣知縣

二十二年任芳鑑

相

子庚戌進士官

白西星

比珩子以子澤贈文林郎

二十五年趙應寵

世勛

孫闔汝梅士選子辛 二十八年馬御且以乾子官 三十一

年鄉琦官鹽山知縣 黃中色流孫歷官廣西布政司參政贈父生員喬楹副使 三十四

年馬之陞丙辰進士四川主考湖廣參政贈父生員煥然副使祝鄉賢 張若良懋德子官安樂

知州 四十年郝景春郊孫 四十三年李友梅歷官御史戶部郎中贈父鴻漸知縣

李時毓清玄孫霑化知縣 李時馨清玄孫已未進士官浙江道御史贈父憲御史 賈同春

官永州 馬伯遴 四十六年方見道經魁官滄州知州 劉彝鼎亞魁

壬戌進士歷官大同兵備山 白澤西星子官太平府同知 天啓七年

西按察司僉事贈父誥僉事 白壯西星子官崇禎三年李藻然應昇子歷官江西布政司參議 郝傑丑

進士兵部侍郎 九年馬及時庚辰進士官良鄉知縣 十五年王麟標士魁子癸未

士官吳縣知縣

國朝順治二年馬仰融  
麻縣丙皮進士官因始知縣河  
商名亦有德政錄及縣志本州

呈單封父  
生員光祿  
三年郝唯謙  
傑子

郝惟訥  
傑子丁亥進士吏部侍郎  
郝惟訓  
傑姪士辰進士  
徽州府推官

五年黃如樸  
中色孫  
八年黃如樸  
中色孫

天...  
卷之八

三

續修州志

卷之六

貢明 郝惟 官奉祠 顏偉 官刑部 呼延信 歷官四川布政司參政 李倫 官吳

橋知縣 魏侃 官祥符 劉先 官應天府經歷 王斌 官豹韜 白儀 官馬湖府推官

石源 官青州府經歷 張肅 官福建御史 曹徽 官雙流 張誠 官府軍前衛經歷

賀旗 官交趾沱 趙勉 官鴻臚寺序班 溫良 官禮部主事 王恩 官四川布政司參政

李敏 官博興縣丞 崔儼 官給事中 黃景 官定州知州 郭顯 官大寧衛經歷 王謐 官洛

陽主簿 郝晟 官大成知縣 景智 官大同衛經歷 李鑑 官嘉興知縣 韓和 官歷中

書舍人禮部員外 蘇忱 官雲南府同知 雷霽 官平遙知縣 吳琮 官萊陽知縣 常顯 官肥

鄉知縣 王宗義 官成都府照磨 劉順 官苑馬寺主簿 王時學 官河津縣丞 郝孜 官中

城兵馬指揮 折希 官興州衛經歷 劉綱 官南陽府檢校 郝志道 官鉅野主簿 麻整 官真

定知 縣 張翽 官南城兵馬指揮 郝志學 官商河縣丞 以上年代無攷

正統年 李魁 景泰年 邢文 郝聰 趙顯 官彰德府知事 岳壽

官靈石縣丞 崔懷玉 官陽曲縣丞 白珩 任泰 田偉 官郟縣主簿

天順年 蘇恪 黃繼祖 官冀寧知縣 高禮 官府軍衛知事 賀慶 張斌

官鴻臚寺序班 花實 沈志仁 薛誠 劉昂 白采 薛顏 官江

陰縣丞 張振 吉慶 官按察司檢校 郭忠 張理 官京衛經歷

成化年 趙齡 郭鏗 彪寧 劉濫 劉浩 党瓊

劉澄 王溫 徐欽 李溶 劉溥 鄭本 王縉紳

蘇聰 官羽林衛經歷 戴琮 官瀏陽主簿 張頊 莒州吏目 閻玘 官丹陽縣丞 蔡澄

郝榮官潞州 蘇琮官營山 白懷官陳州 張翔官泌陽 張

官河間 孫鴻官孟縣 高成章晉府 臧澄官萊陽 紀洪寧

崔節官威縣 閔琮官合肥 麻經名 霍睿洛陽 紀瀾

花仲芳官義烏 延志達官元城 郝楷官定遠 吳滋官東昌

劉淳官涿州 史澄 郝紹熙官鴻臚 張祿 馬景官潁州

霍柱 劉濬 孫富 馬驄官萬安 教諭以子汝 李清寶

張鑿 王瓊 郭慶官大寧 王 王 官 綦 汪

弘治年 王寧 任志寬 王冕官岢縣 任恭 趙文瑞

封傑 徐聖官洛陽 李景官祁州 蘇鳳岐 耿聰官大嵩 衛教授

馬馭 顧琮 閻永祿官撫寧衛知事 吉聰官中牟主簿 崔廷輔臨汾主簿

白琚 魏官曹州判官 王鏗官劍州吏目 張寶 薛世賢 郝圭

臧天衢 郝世燿官滿城縣 紀世赫 王世相 延年莒州吏目

史世相 史世榮官上海主簿 郝世煒 李鏗 郝緯官寧鄉訓導

耿明官休寧訓導 陳經官泰興縣丞 陳真官榮河教諭 賀思恭官筠連訓導

張世學 郝世煥 郝壕 王碩官蘇州府照磨

正德年 世榮 劉煥官榆林衛教授 張錦 郭宗堯官保寧府經歷

王珍官維縣丞 王相官維縣丞

嘉靖年 崔致 周大經官大名府通判 郭祥四川都司經歷 綸布政司檢校



王瑞官經歷 黃濟官新城縣丞 黃洵官靜樂縣丞 閻致聘官垣曲主簿 白鏗

官東鹿王簿 麻蘭官蒲川王簿 馬汝駿驄子官西知縣 亦望官推官 陳政

李天賦 王琦官綺氏縣丞 周致勳 高相官蒲縣教諭 馬希龍

宋時中 王鼎官京山王簿 周極官榆社訓導 閻朝輔官荊州府昭磨 郝鑿

崔廷弼官鴻臚寺鳴贊 周大綱 李遂元 王一誠孟縣縣丞 李遂亨

張世相 劉爨 耿尚義 崔嵩官永光主簿 王世椿 郝豸

馬一乾 馬應龍 楊爾戈官真定府通判 郝至 朱崑 朱嶽

紀文煊 馬逢乾以父汝驥恩廕官保寧府同知 王爵官龍州教授 王一誨

郝城 馬雲鶚 方良輔 李應猷 王一論 黃流官

州訓導 劉煬官教授 紀世榛官龍德訓導 白雲官應州學正以子比珩封文林郎

邢大祿官寧夏衛教授 王洪宇官山丹衛訓導

隆慶年 方良弼 王洪甫官榆林衛教授 白比珩雲子歷官刑部郎中 山東四川

江南 郝郊官雅州知州 王玫 王一元官武功訓導

萬曆年 李朝閣官涇州訓導 李應科官平涼府教授 張汝桐官東平州史目

王應科官大同府教授 顧謙官寶坻主簿 馬崇乾官崞縣丞 馬世鏐長武教諭

馬世鏐官慶都知縣 張懋德翰子建始知縣 王坦官崇府教授 方正官王林衛訓導

白益采 李承開 王制 薛鑑 張朝賓韓珩教授 黃自修

王有道 王正陽 孫汝袞房縣知縣 王龍光蒲城教諭 張桐

薛承恩 王所賓 王眺陽訓賢子肅 馬文卿遂寧府教授

劉世芳建寧府教授 高崇德弘農府教授 王矧陽訓賢子 王言官寧州訓導

霍朝沂寧夏衛教授 張一桂洮州衛教授 郝光代金堂教授 郭容祥 李平

王憲 王耀德官同州學正 朱生輝文縣訓導 張善官藍田訓導

天啓年 劉守謙 閻汝材官叙州府通判 雷在豫榆林教授 郝汝楷成

教諭 朱增輝斬陽訓導 孫汝褒同官教諭 辛士達同州訓導

崇禎年 劉維鼎選貢陽和衛經歷 高詣平涼府教授 劉純義 胡從化

榆林教授 戴汝安藍田訓導 霍雲翔拔貢 李新膚時馨子 馬登高之陞子

按察司 李應昇興安州訓導 孫朝棕 李蓮芳涇陽訓導 賀高昇馬湖

受原川志 卷之八

府訓 李毓彩 華州訓導 馬志遇 藍田訓導 李樹敏 潼川州訓導 方張 見道子

賈之俊 同春子 馬鞏 遼保定府經歷 閻毓璽 馬登第子 之陞

國朝 順治年 劉懋學 王士魁 鞏昌府訓導 李翥然 應昇子 馬中

符伯遴 子文進 禮子授 柳人望 西寧衛教授 霍大猷 考通判

薛師瑄 安昌運 王家相 琦曾孫通判 郝宗履 汝松

子鳳翔 田元愷 選貢松江府同知 孫綦隆 鄆縣教諭 李華

然 應昇子 靈州學正 葉樛 葉彬 拔貢 雷有聲

馬令 崇乾孫副榜 劉廷向 彝鼎子 黃祚昌 中色子

郝澹 汝松孫恩貢 馬金 崇乾孫

武功明

劉寵 都督僉事 雁門副總兵

李杲

都督僉事 宣府遼東總兵

陶禎

涼州副總兵

彭濟

總兵 掛平羌將軍印

傅釗

夏副總兵

吳江

總兵 掛征西鎮西兩將軍印

馮禎 延綏

副總兵 贈

戴欽

總兵 官掛鎮西將軍印

藍海

延綏副總兵

安國

武狀元 總兵 官掛征

西將

張傑

松蔭副總兵

傅鐸

總兵 官掛鎮西將軍印

紀世極

總兵 官掛征

總兵 提督團營 掛鎮西征西前將軍印

朱慈

延綏山

劉王

夏副總兵

崔江

大同副總

兵 彭模

總兵 掛鎮西征西前將軍印

廖

總兵 掛鎮西將軍印

魯綱

都督同知 左

營 白爵

總兵 掛鎮西將軍印

曹世忠

總兵

徐仁

總兵 官掛征西前將軍印

西前將軍 孫時謙

甘肅副總兵

傅澤

總兵 掛平羌鎮

李輔

總兵 掛鎮

西將 李世忠

蒞鎮總兵

白允中

總兵 掛平羌將軍印

孫廣

陝西總兵

軍印

李世忠

蒞鎮總兵

白允中

總兵 掛平羌將軍印

孫廣

陝西總兵

副總兵 陳銳 總兵掛平 鄭國珍 孫朝梁 總兵柳湧 延綏

兵 總兵掛鎮 孫鎮 古北 文明侯 孫朝梁 總兵 孫朝梁 總兵 孫朝梁 總兵 孫朝梁

吳平 副總兵 葉洪春 總兵 孫朝梁 副總兵 陸賢 副總兵 趙完

壁 世勛子 寧 蔡之英 侯世祿 總兵掛鎮 侯拱極 山海總

文 寧武 文鼎 總兵 牛成虎 總兵掛征 馬興 都司 馬得

祿 河 藍承惠 道 馬之圻 蔡弘毅 武進士 馬讓 都司

國朝 馬士秀 都督僉事 協鎮 韓孟之 都督僉事 協鎮 長

延士 依 協守 漳州 黃斌 武舉 葉芳春 武進士

郝鴻圖曰級士之由選舉進者如右其姓氏科名可攷  
僅贖瑛宮片石論次之際竊有感焉蓋茲數百人或資  
敏才捷致身英年或皓首窮經始博一命然莫不紆青  
拖紫朱丹其設經營四方而炫耀鄉曲也遠者曾不三  
百年近者或數十百年人至有不能遠其里居族姓者  
所謂都顯榮而無建樹非乎後之覽斯志者倘以第一  
流自期致君澤民上無負

朝廷之用次亦不失爲鄉人稱述景慕斯善矣如徒曰某  
以某科某授某職曷貴哉亦曷志哉

綏德州志卷之八終